



सानसेयारि 'बड'सा' खरीरालाइयाव समाज्यादि जिज्जो लोब्बा थानाय रायथाय, रन्थाय, सल', सल'बाथा आरु दावबायारि थावनि, पार्क बाइदिनि स्याय लिरनाय लिरबिबां दैथाय डर/ सानसेयारि 'बड'सा' खरीरालाइया सेबरानानै फोस्वावगेव।

बड'सायाव लिरठरनायनि हुबा खालाम, 'बड'सा' खरी नोथिं, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 11 March, 2024 Kokrajhar, BTC, Assam ★ Vol.-33, Issue No. 342 ★ R.N.I. Regd.No.40994/91, Assam Govt. Regd.No.IPRD.40/2006/3, ★ Rs.8/-

बाथो महासभानि भवानिपुर-सरुपेता दख'रा आफाद दादो

भवानिपुर, 10 मार्च: दुलाराय बाथो महासभानि बजालि जिल्ला आफादनि सामलायथायाव दिने भवानिपुरनि कुसियाझारनि बाथो थानसालिआव खुनाय मोनसे सरसनसा मेलआव महासभानि भवानिपुर-सरुपेता दख'रा आफादखौ दानाय जावाय। दुलाराय बाथो महासभानि बजालि जिल्ला आफादनि जुथाय नेहाथारि लंके श्वर खेखातारिनि आफादगिरि मासि (□ 4 बिलाइआव)

बतद्रवा बिथांखिखौ गिबि मन्थिआ नायसंपैदो

गाहाइ मन्थिनि थुलुंगाखां होनायाव राइज्यो सरकार आसामनि धोन गोनां हेरिटेज गोसारनायजो लोगोसेनो जौगाखानायनि खामानिफोरखौ जोबोद गोवैथिजो मावफुंगासिनो: डू हिमन्त बिश्व शर्मा

दिसपुर, 10 मार्च: महापुरुष श्रीमन्त शंकरदेबनि जोनोम जायगा बतद्रवाखौ मुलुगनां थाखोआव मुदांखा सोर्जिनाय आरो धोरोमारि दावबायानायनि गुबुन मोनसे मिरु महरे सोर्जिनायनि थांखिजो राइज्यो सरकार मावफुं'बाय थानाय मख'जाथाव बिथांखिखौ दिने आसामनि गिबि मन्थि डू हिमन्त बिश्व शर्मा आ जायगायाव गासै बिथिंखौ नायबिजिनानै मिथिना लायो। गिबि मन्थिआ बतद्रवानि मोनसे गेदेर हा खोन्दोआव लुजाबाय थानाय बिथांखिनि गुबुन गुबुन



लुनाय खामाफोरखौ नायसंफै नानै खामानिनि (□ 5 बिलाइआव)

सनितपुर जिल्लानि गं 1204 बर' नख'रफोरा मोनो हाबावबाय हानि फोरमान बिलाइ

सनितपुर आरो बिस्वनाथ जिल्लायाव थानाय बर'फोरनो नख'रफोमबो हा मोनो हाजासिम एबसुआ सरकारखौ नारसिनलांगोन: दिपेन बर'

डेकियाजुलि/कक्राझार, 10 मार्च: सनितपुर जिल्लानि गं 1204 बर' नख'रफोरा मोनो हाबावबाय हानि फोरमान बिलाइ। बिटिआर गोरोबथानि 5.3 दफा बादिये दिने सनितपुर जिल्लानि गासै 1204 बर' नख'रनो फिन हानि फोरमान बिलाइ रान्दो। बिटिआर गोरोबथानि 5.3 दफा बादिये फरेस्ट राइट एक्ट 2006 आइननि गेजेरजो दिने सनितपुर जिल्लानि डेकियाजुलि,



आमाराबारि आरो चारिदुवार रान्दानै होबावदो। सनितपुर फरेस्ट रेन्जनि सिडव थामथि जिल्लानि गं 1204 खेबनि थाखाय गासै 1204 नख'रफोरनो फिन हानि फोरमान नख'रनो हानि फोरमान बिलाइ (□ 5 बिलाइआव)

'का' आइन बोखारनो दाबिनानै कक्राझारआवबो आसुनि अनशन

कक्राझार, 10 मार्च: राइज्योनि गुबुन ओन्सोलफोरजो लोगोसे कक्राझारआवबो दिने नोगोरथिथाय सोदांनय आइन एबा 'का' बोखारनो दाबिनानै 12 घन्टा अनशन फालियो कक्राझार जिल्ला आसुआ। बेजो लोब्बा लानानै दिने कक्राझार सहरनि मुंखलं खाम्फायाव आसुनि कक्राझार जिल्ला आफादआ महात्मा गान्धीनि



मुसुखायाव खुलुमनानै बोखारनो दाबिनानै अनशन आसामआव 'का' आइन (□ 5 बिलाइआव)

फैगौ सुबुं आफादनि बिसायख 'थियाव बिजाथि महरे गसंनो रोखा खालामदो पृथ्वीराज नारायण देब मेचआ

कक्राझार, 10 मार्च: बिसायख'थि आयगनि गनायथि मोन्नाय राजखान्थि दोलोनि बिजाथि हिसाबै नमिनेसन गथायनानै बिसायख'थि गेलेनो रोखा खालामदो राजकुमार पृथ्वीराज नारायण देब मेचआ। मख'नो गोनांदि, बावैसो सिगां हाग्रामा महिलारी दैदेन्नाय बिपिएफ दोलोनिफ्राय कक्राझार लकसभा बियाबनि साथाम सुबुंनि पेनेल लिस्टआव मुं थिसनजानाय राजकुमारआ दिने



कक्राझारनि हटेल गौरं भेलिआव मोनसे खौरं मेल खुंनानै बे दाबिखौ दिखाडो। खौरंगिरिआ (□ 5 बिलाइआव)

कक्राझार गुदि फोरैथाय मिरुनि प्लेटिनाम माइथाय फालिथाया थुंगेलांबाय

कक्राझार, 10 मार्च: कक्राझार सदर सहराव थानाय कक्राझार गुदि फोरैथाय मिरुनि प्लेटिनाम माइथाय फोबो फालिथाया दिने गेवलां मेल खुनायजो जाफुसारे थुंगेलांबाय। मख'नो गोनांदि, भारतआ उदासि मोन्नायनि उनाव 1948 माइथायाव गायसनजानाय गुदि फोरैथाय



(□ 5 बिलाइआव)

तामुलपुरआव भारतआरि सान्थि हान्जानि बान्जायनायाव सांग्रंथियारि मेल खुंदो



तामुलपुर, 10 मार्च: तामुलपुरआव भारतआरि सान्थि हान्जानि गजराज कर्पसनि बान्जायनायाव आफां आसामनि बारग' सान्थि आरो बिर आइजोफोरखौ लानानै मोनसे रेलि आरो सांग्रंथियारि मेल खुनाय जादो। आफां आसामनि गासै सा 1500 बारग' सान्थिनि

नख'रआ सांग्रंथियारि रेलिआव बाहागो लादो। 'हमेसा अपनो के साथ' मोन्थोरजो भारतआरि सान्थिआव थिसनजानाय बारग' सान्थिफोरखौ लानानै बिसोरनि पेनसन, फाहामथाय, देहा आरो अन्सायारि बिथांखिजो लोब्बा गोनां एबा जेनाफोरखौ सुखानाय गुबैये गागि सान्थिफोरनि

नख'रजो जगा-जग लानायनि

थांखिजो दिनेनि बे हाबाफारिखौ खुंनानै बिसोरनि इयुन बिथिंफोरखौ लानानै गोनांथार सावरायज्जलायनाय जायो। हाबाफारियाव बिमाफोर, दावहानि गागि सान्थि, बिर आइजोफोरखौ मान बाउनायजो (□ 5 बिलाइआव)

कक्राझारआव बड'लेण्ड डिजिटल जार्नलिस्थ एससियेसननि मावफुं मेल खुंदो

गेदेमा सुबुंफोरनि मुडे बोसोरफोमबो सावसिन सेनेल, सावसिन खौरांगिरि, सावसिन एनकर बान्था होनायनि थारिख

अल बड' डिजिटल जार्नलिस्थ एससियेसननि मुंखौ सोलायनानै बड'लेण्ड डिजिटल जार्नलिस्थ एससियेसन मुं दोनबाय

कक्राझार, 10 मार्च: हारि आरो समाज सिबिनायनि सार्थजो बर'नि खौरं बिजोखौ गोखो खालामनायजो लोगोसे डिजिटल खौरं बिजो एबा बर' पटल चनेलफोरार खामानि मावग्रा एबा खौरं बुथुमगिरि गासै खौरांगिरिफोरखौ लानानै खौसेये खामानि मावलांनयनि थांखिजो दाजानाय बड'लेण्ड डिजिटल जार्नलिस्थ (□ 5 बिलाइआव)



मानस माहारियारि पार्कआव दावबायारिनि गारिखौ मासे गान्दाया गारलोबनो नाजादो



भवानिपुर, 10 मार्च: वर्ल्ड हेरिटेज साइट मानस माहारियारि पार्कआव मासे गान्दाया शनिबारखालि बेलासिनि 4 रिगासोआव दावबायारिनि गारिखौ गिखंथावै गारलोबनो नागिरनाय जाथाय सोमजिदो। मख'नो गोनांदि, मानस माहारियारि पार्कनि बाहबारि रेन्ज ओन्सोलाव मैया साननि 4 रिगासोआव दावबायारिफोरनि मोनसे हान्जाया जिफ साफारि (□ 4 बिलाइआव)

'बिकाश यात्रा'नि सिडव सनितपुर, बाक्सा आरो उदालगुरि जिल्लायाव गुबुन गुबुन बिथांखि बेखेवनायजो लोगोसे अन्थाइ खाम्फा गायसन्दो

दिसपुर, 10 मार्च: राइज्योनि गासै सोरगिदि जौगाखानायखौ रोखा खालामनायनि बिथिडव सोलिबाय थानाय 'बिकाश यात्रा' (जौगाथाय दावबायनाय) नि सिडव आसामनि गिबि मन्थि डू हिमन्त बिश्व शर्मा आ दिने सनितपुर, बाक्सा आरो उदालगुरि जिल्लायाव गुबुन गुबुन बिथांखिफोरखौ बेखेवदो, अन्थाइ खाम्फा गायसंदो आरो हा फुजा होनाय हाबाफारि खुंदो। गिबि मन्थिआ दिने सनितपुरनि जिल्लानि सिडव थानाय बरचला बियाबनि चितलमारियाव मडेल रेसिडेन्सियेल स्कुलखौ गोथारे बेखेवनायजो लोगोसे 50 मोगावाट सलार गोहो बिथांखिनि हा फुजा होनाय



बिजेपिनि ब्रैजो मासिनि स्ल'गानखौ कंग्रेस आफादगिरि खडगेआ सौंखारिदो



गोदान दिल्ली, 10 मार्च: बिजेपिनि एमपि अनन्त हेगडेनि बिबुंथिखौ गोथो दुखु मोन्नाय फोरमायदो कंग्रेस आफादनि माल्लिकार्जुन खडगेआ। हेगडेआ मोनसे बिबुंसरनि गेजेरजो संबिजिरखौ लिरफिनो थाखाय ब्रैजो मासिनि गोनांथि दड होन्नानै वुनाय बिबुंथिखौ हादतनि सेकुलार खान्थिखौ गारलोबनो नाजानाय जादो। बिथानि बिबुंथिया हादतआव डिक्टेटरिप जावसिनो थाखाय संबिजिर सोलायनायनि एजेन्दा (□ 5 बिलाइआव)

हाबाफारियाव बाहागो लादो। मख'नो गोनांदि, चितलमारि बरचलाआव 30.49 कौटि रं बाहायनायजो मडेल रेसिडेन्सियेल स्कुलखौ लुनाय जादो। बे बिथांखिनि सिडव गंसे खुंथायारि भवन, सा 100 फारायसाफोर थानो हानायनि खाबु थाफानाय गंभ्रे हस्टेल, गासै सा 28 फोरैंगिरिफोरनि थाग्रा न', गोरयुनि थाग्रा न' आरो गंसे आलासि थाग्रा न' लुनाय जादो। गुबुन फासै फारायसाफोरनि हेफाजाब गोनां गंसे गेलेमु फोथारखो फोजोखानाय जादो। बे रेसिडेन्सियेल स्कुला ओन्सोलजो लोगोसे साखाथियाव थानाय ओन्सोलनि फारायसाफोरनि थाखाय (□ 5 बिलाइआव)

सुजुगिरिनि खोलोम

सांग्रांथियारि मेल

जौनि हादतआव बोसोरबानि उन उन बिसायख 'थि खुंनय जायो । बेयो सुबुं आफादनिबो जानो हागौ एबा राइज्योनि आइन आफादनि बिसायख 'थि एबा अट 'नमास काउन्सिलफोरनि बिसायख 'थिबो जानो हागौ । बोसोरबानि माव बुब्लि जोबनायनि उनावनो बिसायख 'थि खुंनयनि लाहार-फाहार खालामो हादतनि आरो राइज्योनि बिसायख 'थि आयगया । जिडाइनिथि सुबुं आफादनि बिसायख 'थि खुंनो बिफानारिया सांग्रांथि जानायखौ नुनो मोन्नाय जाबाय । नाथाय बिसायख 'थिखौ माबोला खुंनो बेनि अक्ट, समफारिखौ फोसावनाय जायाखै । माखासे साननि उनावनो फोसावनो हागौ बेखौबो रोखायै मिबथिनो हानाय जाया । अदेबानि सुबुं आफादनि बिसायख 'थि यदि खुंजासिगोन बेखौ हमदांनो हायो । सुबुं आफादनि माव बुब्लिया जोबनानै फेनयनि सिगांनो बिसायख 'थि खुंनयनि बे लाहार-फाहारखौ खालामो बिसायख 'थि बिफानारिआ । सोलिफु बोसोरनि गेजेराव सुबुं आफादनि बिसायख 'थि, फेगौ बोसोराव जौनि फिसा राइज्यो बड 'लेन्ड गावखुं हालामनि बिसायख 'थि खुंजागोन आरो बेनि उनाव फेबावगोन राइज्यो आइन आफादनि बिसायख 'थि । गुबुननि थाखाय नडाब्लाबो जौनि बड 'लेन्ड गावखुं हालामनि नौनारि भटरफोरनाव बिसायख 'थिनि सांग्रांथियाव थाबाय थानो हानयनि मोनसेनि उनाव गुबुन मोनसेनि खाबु फेबाय थानायखौ नुनो मोन्नाय जायो ।

बिसायख 'थिनि खाथि सम फेयोब्ला राजखाथि दोलोफोरनि गेजेराव सांग्रा जानाय नुनो मोनो । दोलोयारि मेलनिफ्राय लानानै साइखेल-मथर साइखेल रेलि, सुबुंगौमा, जईनि हाबाफारि खुंनानै दोलोखौ गोखौ खालामनाय, भटरफोरनि गोसो जै खालामनाय नुनो मोन्नाय जायो । महारियारि राजखाथि दोलोफोराव जईनि जाफेनाय गोबां दैदेनगिरिफोर गावजौ लोगोसे गावनि मदतगिरि मावफारियाफोरखौ लानानै हाबफेनाय नुनो मोन्नाय जायो । खायफाया दोलोनिफ्राय टिकेट मोनैनि बोराबनानै गुबुन दोलोयाव हाबहैनाय, खायफाया टिकेट मोन्नो हास्थायनानै गावनि दोलो नागारनानै गुबुन दोलोयाव हाबहैनाय जाथायफोरा बिसायख 'थिनि सिगां सिगां जानायखौ गोबांसिनै नुनो मोन्नाय जायो ।

बिसायख 'थिनि बार आरो दोहोया राजखाथि दैदेनगिरिफोरनि सायावल 'नाफेयाखै, बेनि दोहोया सादाबुसा भटरफोरनि सायावबो नांहेनायखौ आथिखालनि समआव नुनो मोन्नाय जायो । बेनि गुदियाव राजखाथियारि सोलो बाहायनानै मुलाम्फा लाबोनायनि थानिखै सादाबुसा सुबुंफोरखौबो लोब्ला खालामनो नाजानायखौ हमदांनो मोन्नाय जायो । बिसायख 'थि दावहानि सिगां गोहो फोरानाय आरो दोलोखौ गोखौ खालामनायनि थानिखै दासानि फिसा-फिसा मेल-मिर्दि, सुबुं गौमा, रेलि आरो जईनि हाबाफारि खुंनयजौ जायगा जायगा थासारिया मुजिथाव महर लाहांनयखौ नुनो मोन्नाय जादों ।

दिनैनि फान्जामुधि

राशि बाइदिथै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ड ष)
कर्कट : ड ह सिंह : म ट कन्या : प ट (ण ष)
तुला : त र बुध्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ञ झ)

मेष : सुथुरफोरा जोबनाय नडा । सुथुरखौ गिनांगो जागोन । सांग्रां जानानै थानांगोन ।

वृष : दिनैनि दिनआव सुखुयै थानो हागोन । फारफोमथिबो मोजां ।

मिथुन : सोरजौबाफोर बायदिसिना होन्नानै थगाय जानो हागौ । सांग्रां डै था ।

कर्कट : गोसोखौ मानिबा थाखाय गोजोन्नाय गैयै मोन्नो हागौ । गोसोखौ हमथा ।

सिंह : जेखि जाया शुभ खामानि मावनांनै लानो हागोन । सान्नाया जाफुंनो हागौ ।

कन्या : माबाफोर गोथार खामानिफ्राव आगान सुरजेन्नो हागोन । सान्नाया फेलें थानाय नडा ।

तुला : गोसोखौ मानोबा गोजोन्नाय गैयै मोन्नो हागौ । जेनाया जोबनाय नडा ।

बुध्चिक : सोरनिबा दारे माबाफोर ख 'ह' जानो हागौ । गोसोखौ शान्ति मोन्नाय नडा ।

धनु : जेखि मावा फालांगियाव मुलाम्फा मोन्नो हागोन । मोजां सान ।

मकर : बादायलायनायाव देहसास जानो हागोन । जैरेबो मुंदाखा खालामनो हागोन ।

कुम्भ : देहायाव बोरैबाफोर जोखोम मोनबायबायनो हागौ । जैरेबो सांग्रां जानांगोन ।

मीन : माबाफोर गोदान हाबा मावनो जिगा सिनांनो हागौ । सान्नाय-हनाया गोसोआव देबोर नांनो हागौ ।

दिरव्ववार
बा खोन्वो

-प्रतिमा नन्दी नाजारी

रुफाराम मास्टारा लाइस्त्रिखौ जोबेर मोजां मोनो । लाइस्त्रिखौ सोरबा नायफेनाय गन्दखौ मोनहैबाय । बेखायनो बियो लाइस्त्रिमोननि खाथियावनो टाउनाव न' भारा लाना थाफैलायबाय । सिगाडाव बियो गावनि गामिनिफ्रायनो हास्थियोमोन । दानिया बियो लाइस्त्रिखौ मोना जाजानो गिदों रुफारामआ । थार खोरखौ मोन्दों बियो लाइस्त्रिखौ सोरबा लेखा गोरों सेंग्रा नायफेदों होन्नानै । बेखायनो बियो फग्ला बायदि जालायबाय लाइस्त्रिखौ मोन्नाय नला सान्नानै । गाव मा राहा खालामनानै लाइस्त्रिखौ मोन्नो हागोन बेनिसो लामा नागिरनो हमनायसै बियो । बेखायनो बियो फग्ला बायदि सनानि माला दोंसे हरलायनानै सानसेखालि बिमाखौ नायथारदो होनना थिनहरो रुफारामआ । नाथाय ओइदिनखालि लाइस्त्रिखौ आरो बिनानाव मोनहा रबिबारखाय गामिनि बिब्येमोननि न 'आवसो थंजोबदोंमोन । टाउननि न 'आव खालि बिमा आरो रुवाथि सासैल' दडमोन । बिदिनो जि रिंगासोआवनो सासे लोगो लानानै रुफाराम बिमाया लाइस्त्रि मोन्नाय गुरुब्ला नुजाफेयो । लाइस्त्रि बिमाया रुफाराम बिमाखौ मोजां डै सिनायामोन । थेवब्लाबो लाइस्त्रि बिमाया आलासिफोरखौ लेंनानै खामसालियाव जिरायनो होयो । बे समाव लाइस्त्रि बिफाबो गैयामोन । बेनिफ्राय लाइस्त्रि बिमाया आलासिफोरखौ सोडे-

“बबेनि जाखो बिनानावमोनहा ? आं मोजां डै हमनो हायाखिसै । माबाफोर खामानि लाना फेदोंमोन नामा ?” लाइस्त्रि बिफायाबो न 'आव गैया बहाबा मिथिं दं होन्ना फुडववो ओंखार लांदों । फिसाजोफोरबो दिने रबिबारखाय गामियावसो थंजोबदों माबा लिसु फिथाइ लायनो होनना । बेखायनो दिने रावबो गैया आंजों रुवाथिजौल' दं । अब्ला रुफाराम बिमाया गावसोरनि सिनायथि होना बुडे-

“ए आव', आं रुफाराम मास्टार बिमा आनि मुड सुनिस्त्रि ब्रह्म आरो बियो जों लागोनि बिनानाव जायो बिनि मुड गावदां ब्रह्म बाहागिनि फिसा । जों फेनायनि जाहोनांनो जाबाय नोथानि फिसाजो लाइस्त्रिखौ सोंनो थिनहरदोंमोन जौनि फिसाजला रुफारामआ । मोनब्ला दा फेगोन फागुन

भारतआ इउएनएससि फोसाबनायनि थाखाय ब्रैजि हादरफोरनि जानानै गुवारै मडेल दिन्थिनानै भेट 'आव सोलाय-सोल' लाबोनो नाजादों

गोदान दिल्ली, 10 मार्च:

भारतआ रैखाथि गौथुमनि फोसाबनायनि थाखाय 4 जि हादरफोरनि जानानै मोनसे गुवारै मडेल दिन्थिदों जेराव सरसनस्त्रा जथुमआव सुबुंखाथिजों सायख 'जानाय गोदान अरायथा सोद्रोमाफोर दं आरो भेट' आयदायाव सोलाय-सोल' दिन्थियो । बृहस्पतिवारखालि रैखाथि गौथुम फोसाबनायनि सायाव सरकारि सावरायनायाव बाहागो लानानै, इउएनआव भारतनि अरायथा थान्दै रुचिरा कम्बजआ बुं दोंदि, फे गौ बोसोराव इउएननि 80थि बोसोर सालियाआ गोबाव समनिफ्राय थाबथानानै थानाय आयदायाव गोखौ दावगानाय मोननो थाखाय मोनसे माइल खुन्थिया महरै खामानि मावो । कम्बजआ दान्थे-बिदान्थे, सावरायनाय आरो जोबनायाव सावरायनायनि थाखाय ब्राजिल, जार्मानी, जापान आरो भारतनि जानानै 4 जि मडेलखौ गथायदोंमोन । बे थांखिफोरा गुवार इउ.एन. सोद्रोमाफोरनिफ्राय गोखौ मदद मोन्दोंमोन । थानाय 1945 माइथायनि सैथोथिफोर, जेब्ला गौथुमखौ गायसननाय जादोंमोन, गोबाव समनिफ्रायनो गोदान मुगा आरो मोनसे गोदान जौथायनि भुम-राजखाथियारि सैथोथिफोरजों बोखार जाबदों । गासै बड'आव सोलायनायनि गोनांथिखौ मोन्दानायजों, कम्बजआ बुंदों, मानोना बिथाड सरसनस्त्रा जथुमाव इउ.एन. सोद्रोमा हादरफोरजों आबुं 4 जि मडेलखौ रागलायदोंमोन । बेफोर गोदान सैथोथिखौ आबुं खालामनानै 4 जि मडेलआ थांखि दैखाडो दि रैखाथि गौथुमनि सोद्रोमाया मोनद' अरायथा आरो साब्रे एबा साबा अरायथा नडि सोद्रोमाफोरखौ दाजाबदरनानै आथिखालनि 15 निफ्राय 25-26 सिम बांगोन । मोनद' गोदान अरायथा सोद्रोमाफोरनि गेजेराव, सान्नाया आफ्रिकानि हादरफोर आरो एशिया पेसिफिक हादरफोरनिफ्राय, सासेया लेटिन अमेरिकानि आरो केरिबियान हादरफोरनिफ्राय आरो सासेया सोनाबयारि इउरपियान आरो



गुबुन हादरसाफोरनिफ्राय । 4 जि मडेलआ नोजोर होयोदि, रैखाथि गौथुमनि आथिखालनि रनसायनाया, सोद्रोमानि मोननैबो थाखोआव गाहाइ ओन्सोलफोरनि रोखा बाडइ थान्दैथि आरो थान्दैथि गैयैजों, बेनि गनायथि आरो गोहोमथिनि थाखाय खहा गोनां । बियो गोखोडै बुंदोंदि, गोनांथार दावराव-दावसिफोरखौ सुस्त्रानो आरो गेजेर हायुआरि गोजोन आरो रैखाथिखौ लाखिनो थाखाय गौथुमनि गोहो गैयैआ फोसाबनायनि गोनांथार गोनांथिखौ दिन्थियो । बिथाड बुं दोंदि, जायखि-जाया फोसाबनाया थान्दैनि आंखालखौ सुफुंनय नडा, गुबैयै अरायथा थाखोआव, गौथुमनि दाथाइयाव आथिखालनि गोरोबलायैखौ बांहोगोन आरो बेखौ दिनेनि गेजेर हायुआरि जेनाफोरखौ सुस्त्रानो थाखाय सुबिदा गैयै खालामगोन । कम्बजआ नोजोर

होदोंदि, बेखौ गोसोआव लाखिनाया गोनांदि 4 जि मडेलआ बेखौ रोखा खालामाखैदि बबे सोद्रोमा हादरफोरा गोदान अरायथा मासिफोरखौ आवग्रिगोन । बे थिरांथाया सरसनस्त्रा जथुमजों मोनसे सुबुंखाथियारि आरो बयखौबो लाफानाय बिसायख 'थियाव लागोन । बिथाड इउएननि सोद्रोमानो खोन्थादोंदि, 1945 माइथायनिफ्राय मुलुगाव मोनसे लैथोआरि सोलायनाय जादों आरो गोदान सैथोथिखौ अरायथा सोद्रोमायाव रिफिनायनि गोनांथि दं । जायखि-जाया थांखि जाय आफ्रिका, एसिया आरो लेटिन अमेरिकानो लाफानानै मुलुगानां खोलानि थान्दैनि जेनाखी अरायथा थाखोआव सुस्त्रानाय नडा, बेयो समानथिनि थाखाय जौगाफु, हादरफोरनि हास्थायनायफोरनि सायाव

मोनसे गिरिदर अन्त्या खालामो । 4 जि मडेलआ भेट 'आव सोलाय-सोल' जासिदोंमोन, मोनसे आयदा जाय सोद्रोमा हादरफोरनि गेजेराव मोनसे दान्थे-बिदान्थे गोनां आयदा जानानै दं, मानोना बिसोरो फोसाबनाय बिखाथियाव बिजिखौ सिगांथिं लानो नाजायो जाय थानाय बोसोरफोराव गोलाव खार थायजों दावगाबदों । कम्बजआ बुंदोंदि, गोदान अरायथा सोद्रोमाफोरा मोनसे खाथि महरै आथिखालनि अरायथा सोद्रोमाफोर बादि रोखोमसे बिबान आरो बिबानफोर नायफामनायनि समाव बे आयदानि सायाव थिरांथा लाया अब्लासिम भेट 'खो बाहायनाय नडा । थेवब्लाबो, जों भेट' आयदाखौ गौथुम फोसाबनायनि बिखाथियाव भेट' थानो गनायथि होनो नडा ।

बिथाड बुंदोंदि, जौनि थांखि दैखानाय मोनसे सोरजिलु सावरायलायनायनि थाखाय बे आयदायाव सोलाय-सोल' दिन्थिनानय मोनसे इसाराबो । आथिखालाव, खालि साबा अरायथा सोद्रोमाफोर- चीन, फ्रान्स, रसिया, इउके आरो अमेरिकया भेट' गोहोफोर लाखियो आरो बेनि बाहायनायनि गेजेरजों इउकेन आरो गाजा बायदि मुलुगनां जेनाफोर आरो दाडबाजिफोरखौ सुस्त्रानो थाखाय आफादआव खामानिखौ थाबथाहोदों । गौथुमनि आद्रा थानाय दर 10 हादरफोरा नै बोसोरनि समगान्थिनि थाखाय अरायथा नडि सोद्रोमा महरै जिरायनो थाखाय सायख 'जायो आरो बिसोरनाव भेट' गोहो गैया । फोसाबनायनि गोनांथिखौ नोजोर होनानै कम्बजआ बुंदोंदि, मुलुग आरो इयुन जौलैफोरा आरो नेथ 'नो हानाय नडा । फेगौ सेप्टेम्बर दानआव इउ.एन.आव खुंजानो गोनां इयुनि थांखिगोनां सावराय जथुम आरो फेगौ बोसोराव जुथाय हादरनि 80थि बोसोरसालियाआ गोनांथार माइलखुन्थिया जायनि फारसे जों गोखौ दावगानयनि थांखि लानांगौ । जों आफ्रिकाजों लोगोसे लाइमोन आरो इयुन जौलैफोरनि गारखौ नोजोर होनानै मोनसे फोसाबनायखौ

आवगाय लानांगोन जेराव जारिमिनारि अन्त्यायखौ सुद्रायनायनि दाबिआ गोखौसिन जायो । नडाब्ला गौथुमखौ गोमोनाय आरो गोनांथि गैयैनि लामायाव दैथायहरनायनि खैफोद दं ।

जुथाय हादरआव फ्रान्सनि अरायथा थान्दै निकलास डी रिवेयरा बुंदोंदि, बिथांनि हादरआ गोबाव समनिफ्रायनो अरायथा सोद्रोमानि थाखाय भारत, जापान, ब्राजिल आरो जार्मानीनि बिनायसाखौ मदद होबोदों । बेनि अनगायैबो, फ्रान्सआ रैखाथि गौथुमनि गुवार फोसाबनायनि थाखाय मडेलनि गोसोखौ आबुडे दासो दिन्थिनय जादों । बिथाड 4 जि मडेलनि फिन्याय होनानै बुंदोंदि, बेयो बे आयेन आफादनि बांसिन अन्जिमाजों फोरमायजानाय गोखौ मिजिजों गोरोबनाय । अमेरिकया बुंदोंदि, बेयो रोखा दि गासै 54 आफ्रिकानि हादरफोरजों लोगोसे इउ.एन. सोद्रोमा हादरफोरनि गोखौ बांसिनानो रैखाथि आफादआव अरायथा आरो अरायथा नडे मोननैबो मासिखौ फेहेरनायाव मदद होयो । रैखाथि आफादआ मोननैबो थाखोनि मुलाम्फाखौ साबसिनै मोननो थाखाय बेयो गोनांथारदि, अरायथा आरो अरायथा नडे सोद्रोमा मोननैबो मुलुगनि थान्दै जानांगौ जैरे-दिनेनि मुलुगनि नडा, नैथि मुलुग दावहानि उनाव दडमोन ।

बिहारनि सासेबाव आइन बेरेखा बाला फालांगिरि सुभाष यादबखौ इडिया हमबाय

पाटना, 10 मार्च : ब्रदसन क मिडिटि प्राइभेट लिमिटेडनि डाइरेक्टर सुभाष यादबखौ इडिया शनिबारखालि सानसेमानि सिग्रोमनायनि उनाव हरनि समाव हमो । बाला सिन्डिकेटनि केसआव बेयो दासिमनि 5 थि सुबुंखौ हमनाय । शनिबारखालि सुभाषनि खवासै दर्जन मिरुफोराव सिग्रोमनाय जादोंमोन । सिग्रोमनायनि गेजेरजों इडिअ 2 कौटि नोगोद रनि अनगायै हाजों लोब्ला गोनां लेखाबिलाइ,

इन्भेस्ट खालामनायनि फोरमान बिलाइफोरखौबो बोखानो मोन्दों । बालाजों लोब्ला गोनां आइन बेरेखा फालांगि आरो मानि लन्डिं एक्टरनि गेजेरजों इडिया गोखोडै नायबिजिरदोंमोन । सुभाष यादभनि दानापुर, मनरेआव थानाय न'नि अनगायै मारुसिया देबि एपार्टमेन्ट, दानापुरआव थानाय वाटार प्लान्ट, साहपुर थानानि सिडाव थानाय मावख' आरो गुबुन जायगाफोराव इडिया गोखोडै सिग्रोमदों । सुलुनि



बायदिब्ला इडिया बोखानो मोन्नाय फोरमान बिलाइफोरखौ नायबिजिरनायनि उनाव यादबनि सम्पतिफोरनि

गोदान खौरखौ मोन्दों होन्ना दाबि दैखदों । सुभाष यादबआ बालानि फालांगिजों लोब्ला गोनां ब्रदसन कन्स्ट्राक्सन प्राइभेट

लिमिटेडनि डाइरेक्टर । बिखौ राष्ट्रिय जनता दल (आरजेडि) नि गाहाइ लालु प्रसाद यादबजों खाथि सोमोन्दो गोनां होन्ना बुंनय जायो । बियो आरजेडिनिफ्राय टिकेट लानानै सतरा लक लभानिफ्राय बिसायख 'थि बादायदोंमोन । मख 'जाथावदि, सुभाष यादबनि गुबुन गुबुन मिरुफोराव इडिनि सिग्रोमनाया गिबि खेब नडा । सिगाडावबो इडिजों लोगोसे सिबिआइ आरो टेक्स बिफाननि हान्जाया यादबनि गुबुन गुबुन मिरुफोराव सिग्रोमखांबाय ।

मासफोरावने लांनो गोसोमोन । नंखायनो जों दिने रायथिनो होन्नानै फेदोंमोन । रुफारामआ सनानि मालाबो दांसे हरफाखादोंमोन । नै जों लाना फेखादोंमोन । मोनब्ला जों लाइस्त्रिनो सोना गालांखानो सान्दोंमोन ।”

अब्ला लाइस्त्रि बिमाया गोमोनानैसो थायो । खोथा गैया बाश्रा गैया लाइस्त्रिनो सनानि माला सोनानै गालानो नागिरनायखौ । बेनिफ्राय बुडे-

“हाब मात्रै खोथा गैया बाश्रा गैया मोजाडे सावरायनाय गैया मानाय गैया मात्रै सनानि माला सोलानांगौ जाखो ? मा आरजाथारै खोथा जाखोसे बेलाइ ?”

“नडाहाइ आव' ! जौनि फिसाजलाया लाइस्त्रिखौ नडाब्ला रावखौबो जुलि लायानो । बेखायनो सनानि मालाखौ सोखालानो सानबायमोन आव' ।” रुफाराम बिमाया बुडे ।

अब्ला लाइस्त्रि बिमाया बुडे-

“जौनि फिसाजो लाइस्त्रिया रुफारामखौ जुलि लाया होन्नानैसो बुंदों एरैनोबो गावनि फोरोंगिरिजों जाया होन्दों बियो । मोनसे जुलिया सानै सेंग्रा-सिखलानि गोसो गोरोबनायजोंसो जाखायो आरो जुलि जराया खाफालाव लिरनाय थाखायो । जायजों लिरना हरदों बेजोसो जागोन । जुदि रुफारामजों लाइस्त्रि जुलिया लिरना हरदोंब्ला गोसो गैयाब्लाबो उनाव बोरेबाफोर गनायहेनोबो हागौ । दाथ' बियो जायखौनो बुंदों । बेखायनो नोथांमोनहा गुबुन मोजां सोरखौबा नायना लायनाया साबसिन जागोन होन्ना आं सानो । नोंसोर गाजि मोन्नो नाडा ।”

एसे सम रुवाथिआ बिस्कूट साहा लाना होफेयो । बेनिफ्राय लाइस्त्रि बिमाया आलासि हिमाबै रुफाराम बिमामोननो साहा लौहो हरनायसै ।

बेनिफ्राय बिसोर मा होनबावनो जाना मोखां साइर' जाना सानेबो लाइस्त्रि बिमाखौ खुलुमनानै दावसा मावरियाफोर बायदि ओंखार लानायसै ।

लाइस्त्रि बिमाया रुफाराम बिमामोननो खिन्थाहराखै फारसेथिदि सासे सेंग्रा नायना थांबाय । नाथाय दाबो हजौनिफ्राय बिथं खबरा सफेथ'याखै । एरंनोलाइ मेब्लयाया खिन्थाहरखाबाय । सेंग्राया लाइस्त्रिखौ फसायलांबाय होन्नानै । थेवब्लाबो हाँवा लागोनिफ्राय मोजाडे रायथि फैयाब्ला बुंथ'नो हाया । फसायलांब्लाबो एखनब्ला बाइदि रोखोमनि मानसिफोर थायो एरना हरला बायग्रा नंखायखौ जुलि होनब्लाथाय जाथारागौ मानि बुंस'नो हाया । एखनब्ला दिन अक्ट थिख जाखानायाबो फेलें जाफिनो । बेखायनो बुंदों- जौनोम, जुलि आरो संसारि जानाय बे मोनथामखौ रावबो बुंनो हाया । बेनो अबंलावरिनि थार सैथोखा ।

गाहाइ मन्थि मदिआ इउपिनि आजमगढनिफ्राय मोन 15 उं गाथोन मावथांखिफोरखौ भार्चुयेलनि गेजेरजों बेखेवदों

गवालियर, 10 मार्च : गाहाइ मन्थि नरेन्द्र मदिआ दिनै रबिबारखालि उत्तर प्रदेशनि आजमगढआव गावनि दावबायनाय समाव गं 12 गोदान टार्मिनेल बिल्डिंफोरजों लोगोसे मोन 15 उं गाथोन मावथांखिफोरखौ बेखेवदों आरो अन्थाय खाम्फा गायसनदों। गाहाइ मन्थि मदिआ गवालियर उं गाथोननि उं गाथोन टार्मिनेलखौबो भार्चुयेलनि गेजेरजों बेखेवगोन। बे फालिथाइयाव, उं गाथोनाव राज माता भिजयराजे सिन्धियानि मुसुखाबो बेखेवगोन, मिरु नोगोरारि उं सामलाय मन्थि ज्यतिरादित्य सिन्धियाआ खौरागिरिफोरनि सिगाखव बुंदोंदि, थानाय 75 बोसोराव गिबि खेबनि थाखाय मोन 16 उं गाथोनफोरखौ बेखेवनाय जादों एबा सानसेआवनो अन्थाय खाम्फा गायनाय जादों।



लखौ, आलिगढ, आजमगढ, चित्रकुट, मुरादाबाद, श्रावस्ती आरो आदमपुरनि उं गाथोनफोरखौ दाजाबदेरनाय जादों। गाहाइ मन्थि आ रबिबारखालि सान्जौफुआव मोनसे राइजोआरि हाबाफारिनि समाव उत्तर प्रदेशआव 42,000 कौटि रांनि जौगालु बिथांखिफोरनि बिथा गायसन्दोंमोन। गोदान लुजानाय लखौ उं गाथोननि टार्मिनेल 3 (टी3) खौ दिने

गाहाइ मन्थि नरेन्द्र मदिआ बेखेवगोन। टार्मिनेलाव नख 'रारि आरो हादर गेजेरारि मोननेबो उंफोरखौ सुबिदा होनो हागौ होन्ना सान्नाय जादों। बेयो 1.5 लाख बर्ग मिटर ओन्सोलाव दं, जेराव टार्मिनेल बिल्डिं जौगानायनि गिबि खोन्दीआ 1.17 लाख बर्ग मिटर लायो। नैथि खोन्दीआव टार्मिनेल 1 खौ सिफायनाय आरो कार्ग' अपारेसननि थाखाय 33,529 बर्ग मिटर गोलाव मोनसे गोदान

सुबिदा लुनाय जागोन। गोजौ थाखोनि समाव, गोदानै लुजानाय टार्मिनेल, जायखौ लुनो थाखाय 1,628 कौटि रां बाहायदोंमोन, बेयाव सा 4,000 सो दावबायारिफोर थानो हायो। टार्मिनेलनि बोसोरारि दावबायारि सामलायनाय गोहोआ फ्राय 10 मिलियनसो जागोन। फैनया गाहाय थालायाव जागोन आरो टार्मिनेलनि मोनने थाला बिल्डिंनि सेथि थालायाव थांगोन। खारनाय लामानि थाखाय मोनसे गोजौ लामाबो दं। टी 3 आव, जिब्रे दावबायारि बर्डिं दालां, मोनबा एस्केलेटर आरो थामज लिफ्टफोर दं। 1,500 पार्कि थावनिफोरनि अनगायैबो, टार्मिनेलआ गुदि फाहामथाय स्टेशन, डे-केयार सेन्टर, सोबरा जायगा, आजिरा लाग्रा जायगा, खुस्ना गलाफोर आरो खाजोना-गैथै शपिं बायदि सुबिदाफोर थागोन।

गोदान दिल्ली, 10 मार्च : गाहाइ मन्थि नरेन्द्र मदिआ शनिबारखालि अरुनाचल प्रदेशआव 13 रोजा फुट गोजौ हाजे बानायनाय सेला सुरंग खौ बेखेवना होयो। बेनि गेजेरजों टावांसिम बोसोरनि जेब्लायबो समावनो हान्था-मेला एबा फोनांजाव खालामनो हानाय जासिगोन आरो बेजोंनो थानानै हादतनि सिमनाजों नांजाबनाय ओन्सोलाफोराव सान्थिफोरा जायखि-जाया बोथोरावनो सौहैनो हानाय जासिगोन। बे सुरंग'आ बेखेवजानायजों भारतयारि सान्थिया जायखि-जाया बोथोरावनो चीन सिमनासिम सौहैनो हानाय जासिगोन। सुरंग'आ लुफुजानायजों तेजपुरनिफ्राय टावांसिम दावबायनायाव 1 घन्टानिबो बांसिन समा रेखाथि मोन्दों। गाहाइ मन्थि मदिआ अरुनाचल प्रदेश राइज्यो हान्था-मेलानि बासखौ गोथो फिफिका दिन्थिना सेला सुरंग खौ बेखेवना



होयो। बे बासआ सुरंग'नि गेजेरजों गावनि थांखिसिम खारलाखौ। मख'जाथावदि, गोदानै बेखेवजानाय सेला सुरंग'आ 13 रोजा फुट गोजौआव बानायजानाय बयनिखुडो लावसिन डबल लेन सुरंग'। बेखौ गासै 825 कौटि रंजों सिमा हान्था-मेला लामा आफादआ बानायदों। चीनजों नांजाबनाय एलएसिनि साखाथियाव जानायनि जाहोनावबो बे सुरंग'आ जोबोद मख'जाथाव जानानै फेदों। मख'नो गोनांदि, टावां ओन्सोलाव चीनआ गोवां समनिफ्रायनो जेंना खालामबोदों। बेनि गेजेरजों सुरंग'आ आबुडै लुफुजानायव भारतीय सान्थिनि सोलो-

खान्थियारि आरो रोगाथाइ गोहोफोराबो बांसिन जानानै फेसिगोन। सिमना हान्था-मेला लामा आफादनि सासै बिबानगिरिया बुंदोंदि, बे बिथांखिनि थांखियानो एलएसियाव सान्थिफोरनि गोहोखौ बांहोनाय। 2019 नि 9 फेब्रुवारीयाव गाहाइ मन्थि मदिआ सेला सुरंग' लुनायनि थाखाय अन्थाइ खाम्फा गाइसन्दोंमोन। टावां जिल्लाखौ अरुनाचल प्रदेशनि जोबथा बाहागोजों सरजाबग्रा बे सुरंग'आ गासैबो बोथोरावनो हान्था-मेलानि सिबिथाइ होनो हानाय जागोन। बे बिथांखियाव मोनै सुरंग' आरो मोनसे लिंक रड एबा फोनांजाव लामाबो दड। सुरंग'आ 1,980 मिटर गोलाव

सिंगल टिडबनि जागोन आरो गुबुन मोनसे सुरंग'आ 1.5 किल'मिटर जागोन। बेयाव हान्था-मेला आरो इमार्जैन्स सिबिथाइनि थाखाय मोनसे बाइलेन टिडब थागोन। मोनैबो सुरंग'नि गेजेराव 1,200 मिटर गोलाव लिंक रड थागोन। नैथि सुरंग'आव एस्केप टिडब दड। इमार्जैन्स थासारियाव एस्केप टिडबखौ रेखाथि गरिफोरनि हान्था-मेला आरो रहा गोथेनाय सुबुफोरखौ दिहनायाव बाहायनाय जागोन। बे सुरंग'खौ 80 किल'मिटर/घन्टानि मेक्सिमाम स्पिडजों लोगोसे सानफ्रोमबो गं 3,000 कार आरो गं 2,000 ट्रक गरिफोरनि हान्था-मेला खालामनो हानाय बायदियै डिजाइन होनाय जादों।

बोथोर बिफाना गुबुन गुबुन राइज्योआव अखा हागोनखौ हमदांना सांग्रांथि फोसावदों

गोदान दिल्ली, 10 मार्च : थानाय सानफोरव सान्थामसोसिम अखा हानायजों गोजानाया बांसिन जादोंमोन, जाय आथिखालाव दावख्लायबाय। सा भारतनि बांसिन ओन्सोलाफोरव गोजानाया गोवां खमायबाय। अदेबानि फैनो गोनां सानफोरव इउपि, पान्जाबजों लोगोसे माखासे जायगाफोराव अखा हानायनि आसा दड। बोथोर बिफाननि बायदिब्ला उरिष्याआवबो सरासन्ना अखा हानो हागौ। फारसेथिं 14 मार्चसिमनि गेजेराव सोनाब हिमालय ओन्सोलाव सरासन्ना अखाजों लोगोसे बरफ गोग्लैनो हागौ। बे समाव हायेन ओन्सोलाफोरवबो एफा-एनै अखा हानायनि आसा दड। फैगौ साननेनि गेजेराव रायलसिमा, तामिलनाडु, पदुसेरि,



कराइकलआव बोथोरा गरमसिन जागोन। थानाय माखासे साननि गेजेराव हिमाचल प्रदेशआव बरफ गोग्लैनाय आरो अखा हानायनि उनाव मोन्थाम माहारियारि राजालामाजों लोगोसे गासै मोन 360 नि

बांसिन लामाफोर बन्द' जानानै थादों। सिमला बोथोर हमदांन्या मावख'आ ओन्सोलावाडै अखा हागोनखौ हमदांना सेंगांथि फोसावदों। गोदान मोनसे सोनाब नारसिन्थाया सोनाब हिमालय ओन्सोलाव गोहोम दिन्थिनो

हागौ। भारतयारि बोथोर बिफाना जम्मु-काश्मीर, लाद्दाख, गिलगित-बाल्टिस्तान, मुजफ्फराबाद, हिमाचल प्रदेशनि गुबुन गुबुन जायगाफोराव सरासन्ना अखाजों लोगोसे बरफ गोग्लैनो

हागौ होन्ना फोरमायदों। बोथोर बिफाना 11 मार्चनिफ्राय 14 मार्चसिमनि गेजेराव उत्तराखण्डआव गेसेनिफ्राय लानानै गेजेर थाखोनि अखा हानो हागौ आरो बरफ गोग्लैनो हागौ होन्ना हमदांदों। फारसेथिं पान्जाब, हारियाणा, सोनाब उत्तर प्रदेशनि गुबुन गुबुन बाहागोयावबो 14 मार्चनि गेजेराव अखा हानायनि आसा दड। बेराफारसेथिं सा-सान्जा भारतआवबो बोथोर बिफाना अखा हागोनखौ हमदांदों। आसाम, मेघालय, नागालेन्ड, मणिपुर, मिज'राम आरो त्रिपुरायाव बोथोर बिफाना सरासन्ना अखा हागोनखौ हमदांना एलार्ट फोसावदों।

भारतनि समुद्रयानआ 2025 माइथायनि जोबनायसिमआव लैथोमानि थालाखौ नायगिरिनो थियारिसै: किरेन रिज्जु



गोदान दिल्ली, 10 मार्च: बुहुम बिगियान मन्थि किरेन रिज्जुआ बुंदोंदि, भारतआ फैगौ बोसोरनि जोबनायथिं गावनि समुद्रयानआव लैथो

बिखनि सिडव 6 किल'मिटर गोथौ लैथोमाखौ फरायसंनो थाखाय गावनि बिगियानगिरिफोर खौ दैथायहरगोन। खौरागिरिफोरनि सिगाखव रिज्जुआ बुंदोंदि, भारतनि गोथौ-लैथोमायाव साबमेरिन मत्स्य 6000आ मानसिफोरखौ लैथोनि सिडव 6,000 मिटर गोथौसिम लांगोन। जाय साबमेरिनआ मोजाडैनो दं आरो बे बोसोरनि जोबनायसिमआव बेयो आन्जाद नायजागोन। समुद्रयाननि बाध्रा बुडोब्ला 6,000 मिटरसो गोथौसिम थानाय थांखिनि बागै सावरायनाय जायो, लैथो सिडव 6 किल'मिटर गोथौ, जेराव सोरांबो सौहैनो हाया। रिज्जुआ बुंभावोदि, जौनि साबमेरिन मत्स्यआ मोजाडैनो दड, जाय सुबुफोरखौ लैथो सिडव लांगोन। मन्थिआ बुंदोंदि, बिथाडा बे मावथांखिखौ नायबिजिरबाय आरो बिगियानगिरिफोरा बे बोसोरनि जोबनायथिं गिबि थौले दैयाव

आन्जाद नायनानै जाफु सार खालामग्रोगोन। फैगौ 2025 माइथायनि जोबनाय फार्से बे आन्जाद नायनाया आबुडैनो जाफुसारगोन होन्ना नै मन्थिआ फोथायथि होदों। बेनि ओथिया बेनोदि, फैगौ बोसोराव जों जौनि सुबु हान्थाखौ 6,000 मिटरनि बांसिन गोथौ लैथोआव दैथायहरनो हागोन। समुद्रयान एबा गोथौ लैथोमा मिशनखौ 2021 माइथायव जागायजेन्नाय जादोंमोन। बे मिसना मत्स्य 6000 खौ बाहायनानै मिरुआरि भारत लैथोमानि लैथो थालायाव 6,000 मिटर गोथौसिम सौहैनो थाखाय मोनसे मावथि हान्जानि गाग्लोबनाय हाबाफारि लायो, जायखौ साथाम सोद्रोमाफोरनि मोनसे हान्जा थानो थाखाय डिजाइन खालामनाय जादों। साबमर्सिबलआ गोनीखोआरि सेन्टर आरो आगजुफोरनि मोनसे सुइटजों सुजु जागोन आरो बेयाव 12 घन्टानि मोनसे मावफुआरि सहायनो हानाय गोहो थागोन, जाय हरखाब जात्रबथायनि थासारियाव 96 घन्टासिम बारायनो हायो। दासिम, आमेरिका, रसिया, चीन, फ्रान्स आरो जापान बायदि हादरफोरा जाफुसार गोथौ-लैथोमायारि मावथि मिसनफोरखौ मावफुदों। भारतआ बेफोर बायदि मिशनफोरनि थाखाय रंगथि आरो गोहोखौ दिन्थिफुनानै बैफोर हादरफोरनि सारियाव हाबनो थियारि जाबाय।

बिसायख थि आयगनि कमिसनार अरुण गयेलआ हरखाब बिबान एंगलायबाय



गोदान दिल्ली, 10 मार्च : लक सभा बिसायख थिया खुंजानो गेजेराव बारा गोबाव सम गैलिया। बे समावनो बिसायख थि कमिसनार अरुण गयेलआ शनिबारखालि हरखाबै गावनि मासिखौ नागारानै राजखान्थियारि दोहोखौ दुंहावसिन खालामो। बिथानि बिबान नागारनाय बिलाइखौ हादतगिरिया थाबैनो गनायथिना लायो। अदेबानि बिथानि बिबान नागारनायनि जाहोनखौ रोखायै मिबथिनो मोनाखै। नाथाय बिनि आन्दोआव बिथांखौ बिसायख थि कमिसनार महैर थिसन्याय आयदाखौ लानानै नुजाथिनय जेंनाखौनो बिनि देरसिन जाहोन महैर नोजोर होनाय जादों। अरुण गयेलआ बिबान नागारनायजों लोगोसे बिसायख थि आयगआव बिसायख थि कमिसनारनि मोनैबो मासिया लादां जायो। बिथानि सिगां फेब्रुवारीयाव अनुप चन्द्र पान्डेआ आजिरा मोन्नायनिफ्राय बिसायख थि कमिसनारनि मोनसे मासिया लादां जानानै दंमोन। पान्डेनि जायगायाव गोदान बिबानगिरि थिसन्तो हाबाफारि सोलिबाय थानाय समावनो अरुण गयेलआबो बिबान नागारो। बेनि उनाव बिसायख थिनि गासै बिबानआ गाहाइ बिसायख थि कमिसनारनि फाफिलयाव गोग्लैयो। मख'जाथावदि, गयेलआ बिसायख थि कमिसनार महैर 2027 माइथाइसिम बिबानआव थागौमोन। नाथाय बिथाडा शनिबारखालि गावनि बिबानखौ नागारो।

आइसलेन्डनि गुबुन हादतयारि मन्थि बजरनी बेनेडिक्टसनआ भारतआव दावबायफैदों

गोदान दिल्ली, 10 मार्च : आइसलेन्डनि गुबुन हादतयारि मन्थि बजरनी बेनेडिक्टसनआ भारतआव दावबायफैदों। बिथाडा आइसलेन्ड आरो भारतनि गेजेराव फालांगि-इन्भेस्टमेन्टखौ बांहोनायनि थांखि लानानै दिल्लीयाव सौफैबाय। गुबुन हादतयारि मावख'नि बुंथिगिरि रणधिर जायसवालआ आइसलेन्डनि गुबुन हादतयारि मन्थिखौ दुंबुदयै बरायो। रणधिरआ सशेल मिडिया एक्सआव गावसोर सानैनि सावगारिबो शेयार खालामदों। लोगोसे बिथाडा बुंदोंदि, आइसलेन्डनि मन्थि बजरनीया भारतआव



दावबायफैनया दरनै हादतनि सोमोन्दोनि थाखाय जोबोद मख'जाथाव। बिथाडा आइसलेन्डनि गुबुन हादतयारि मन्थि बजरनीखौ भारतआव गोसो गुदुडै बरायदों आरो बिथानि दावबायफैनयाजों फालांगि, इन्भेस्टमेन्टजों

लोगोसे गुबुन सोमोन्दोफोराव दरनै हादतनि गेजेराव गोखौंसिन जागोन होन्ना बुंदों। बे समाव भारत आरो आइसलेन्डआ शेयारि भेलुफोर आरो शेयारि हिटफोरखौ बिथा खालामनानै सोमोन्दोखौ गोखौंसिन खालामनायनि सायाव बोलो

सिमनानि जेंनाखौ सावरायना सुत्रांनो भारत-बांलादेशआ गनायथिज्जलायदों

गोदान दिल्ली, 10 मार्च : भारत आरो बांलादेशनि सिमना रेखाथि हान्जाया हारिमयायारि सिमनायाव न'सुंसे हादतनि दुथांफोरा बिएसएफ मावफारियाफोरनि सायाव गाग्लोबनाय जाथायखौ फोजोबनायनि थाखाय जुथायै हाबाफारि मावनो गनायथिज्जलायदों। सिमना रेखाथि हान्जा (बिएसएफ) आरो बर्डर गार्ड बांलादेश (बिजिबि)

नि गेजेराव 2 बोसोरारि डिजि थाखोनि सावरायमे लखौ ढाकायाव खुंनाय जादोंमोन। दरनैबो हादतनि हान्जाया गासैबो थाखोफोराव गुण गोनां सावरायनायनि गेजेरजों सिमनानि आयदाफोरखौ मदत होज्जलायनायनि गेजेरजों बोस्रानो थाखाय गनायथिज्जलायो। बिएसएफनि गाहाइ बिथोनगिरि नितिन आग्रवालनि दैदेन्नायाव



भारतयारि थान्दै आफादआ ढाकानि फिलकानायाव थानाय बिजिबि मावख'आव 54 थि सावरायमे ल खालामनो बांलादेशआव थादोंमोन। बिजिबिनि डिजि मेजर जेनेरेल महम्मद अशरफु जमा सिद्धिकिया बांलादेशनि थान्दै आफादखौ दैदेन्दों। बिएसएफनि बुंथिगिरिया दिल्लीयाव बुंदोंदि, बे जथुमायाव फारनैबो हान्जाया

हिउमेन स्मगलिन एबा सुबुं लांखारनायजों भुगिनानायफोरनो मदत होनाय आरो आंगो न'आव दैथाइ हरफिन्नायनि हाबाफारि मावनायनि सायावबो गनायथिज्जलायदों। सुबुं लांखारनायनि थि समफोरखौ मिबथिहोनाय आरो नायबिजिरनाय रिफर्टफोरखौ सोलाय सोल' खालामनो थाखायबो फारनैबो हान्जाया गनायथिज्जलायो।

मुलुगनि जोबथानाय बाहागो एबा जोबथा सहरा मा मिवथिगौ ना?

जों बयबो मुहुम बिगियानगिरिफोरा संदानायाव मुलुगनि मोनसे बाहागोखौ जोबथा होन्ना गनायथिना लादों। नाथाय बेनि बागौ गुबुन गुबुन रय होनाय दड। मुहुम बिगियानगिरिफोरनि मोनसे हान्जाया इलेन्डनि वेस्ट सासेक्स एबा रसियानि यमान प्रायद्विप एबा चिलिनि केपाहर्नखौ मुलुगनि जोबथा बागागो होन्ने दाबि दैखादों। नाथाय बांसिन मुहुम बिगियानगिरिफोरा बे सहरा मुलुगनि जोबथा नख आरो बेयो मुहुमनि बयनिखुइबो सरसन्नासिन सहर होन्ना दाबि दैखादों। बबेखानि मुलुगनि जोबथा दंमारो नामा आरो दड्कला बेयो बबेयाव? बे सोंथिया बयनिबो गोसोआव सिखाडो। मख'नो गोनांदि, खोला आमेरिकानि बयनिखुइबो खोलाथाराव थानाय बाहागो, आर्जेन्टिनानि उमुआइ सहरखौ मुलुगनि जोबथा सहर होन्ना बुंनयाय जायो। बे ओन्सोलखौ

थिएरा डेल पुएग' एबा अन्डिज हाजोफोरनि गेजेरव थानाय अरनि सहर होन्ना बुंनयाय जायो। साहायाव मेगोनाल लैथोमा गेरेजेर बोरि आरो खोलाहा बिगल चेनेलआ मोनै लैथोमाफोरखौ सरजाबो। मुंदांखा पुर्तगाली संदानगिरि एबा डिस्कभारी मेगनेलआ बेखौ थिएरा डेल पुएग' मुं होदों। आधिखालाव बे हादतआव इउपरीयानफोरल' थायो। मुलुगनि जोबथा मारुसिम सौहैनायाव 2 बोसोर सम नांगो जादोंमोन। आधिखालाव आमेरिकानिफ्राय उमुएसिम सानैयावको सौहैना हानाय जायो। राजथावनि ब्युनास आयसनिफ्राय पम्पास' पेटागनियाआव सौहैना उरां जाहाजजों 5 घन्टा सम लायो। उमुआइ सहरनि खाथि-खालायाव रावबो गैथे सिं-स' हाजो, उबड़-काबड़ लैथोमा दड। बेनिखायनो 1873 नि उननिफ्राय आर्जेन्टिना सरकार बै हादतनि राजखान्थियारि

केदिफोरखौ बैयाव बोस्लायना लानायनि हाबाफारि जागायदों। नाथाय गोबां दान्थे-बिदान्थेनि उनाव 1947 माइथायनि उनाव बैयाव बोस्लायना लानाय हाबाफारिया बन्द' जायो। बैयाव थानाय गोजाम जेलआ आधिखालाव मोनसे जारिमिनारि मिउजियाम जानानै थाबाय। उमुआइनि फारसैथिबो हाजो सारि सारि बेना दड। इउपरीयान सुबुंफोर बैयाव थाहैनायनि सिगां यागल्स ट्राइबेलफोरा बैयाव थायोमोन। उमुआइआव गिबि खेब बानायजानाय न'-बिल्डिं, सेलसियान गिर्जा न'आ दासिमबो दड। अदेबानि उमुआइ सहर मोनसे फिसा सहर। बैयाव गासै 57,000 सुबुं अन्जिमा थायो आरो बेनि गासै खालिया 23 बर्ग किल'मिटर। गोलोम बोथोरनि समाव बेयावनि बिदुड माब्लाबा समाव 12 डिग्रि सेल्सियाससिम सौहैयो आरो माब्लाबा 20 डिग्रि सेल्सियाससिमबो थाडे।

रंजालि गथ'फोरनि सौरा

टेद्राकटिस खन्थाइ

मा नखर
मा संसार
जागोन नोंसा
हरदम हौवा हिनजाव नेरलाय लायबा

मा नखर
मा संसार
जागोन नोंसा
सिथ्लायवाव सिजौ गायना लायाबा

मा नखर
मा संसार
जागोन नोंसा
धरोमनि जेबो आसार गैयाबा

मा नख'र
मा संसार
जागोन नोंसा
हिनजावा मोना जाबा थादेरनाय

मा नखर
मा संसार
जागोन नोंसा
बिहामजोया बिखुमजोखौनो बुनाय

मा नखर
मा संसार
जागोन नोंसा
बिहामजोनि खुगा लागाम गैया

-रैदोम बर'
बाकसा

नोंखौ लोगो मोननायनि उननिफ्राय.....

गोसोनि जायखल'आव नॉनिल' समायना महरा आंखौ जंखायफेयो; उन्दुहाबनाय सोलेरखौ सिमां नुहोना जिउमाखौ आनि बाग्दावखांहोयो। सोरबिथिं लामाजों नोंखौ नायगिरना गोसोनि सानस्त्रिया फेरिललाडे; सानसे लोगो मोनफलांन दिनें, गाबोन सानफ्रोमबो नायगिरसै। लामानि दंफां गुदियाव जिरायना नोंखौ लोगो मोनगोननि मिजिं रनसायो; रावबो मिथिस्लाबै गोसोनि राव फोरमायनो लुबैयो। गारबोनाय जिउनि जारिमिनखौ बावगोमायो नोंखौनो गोसोखांन; सुजुयो गोदान सिमां मोगथाडव जाफुहोनायनि थांखिजों। अरदाब सेराव जिरायना खन्थाइ सुजुयो आं नॉनि मुं लानानै; गोसोथोनायनि गोदे गारांजों फोरमायो गोसोनि गोबां खोथा। अननायनि गोथार नेरसोन होनो आं दिनेंबो राजि नॉनि थाखाय; थानानै थासान्दियाव जुगामि गोजोननि लैथोआव सानस्त्रियो।

-निजोम बर'
परिसिम पानेरि, अदालगुरि

मिजिं

दुखुगोनां आनि जिउ जारिमिननि बिलाइखौ सोर बेखेवगोन गोसो होनानै - सोर बुजिस'गोन, दाहागोबां आनि खबामखौ सोर खोनासंगोन? सोर फरायगोन आनि रोसि गैथै खन्थाइनि सिरिफोरखौ?

हारसिं जावनांनयाय आनि जिउ दिडखौ सोर नायखंखेगोन दालाय आय' होत्रानै, आंहादि गैया जेबो जोंथि माथि आगर बेयाव सोर सुजुफागोन मालाबिदां लोगोसेये?

आगोर गैथै गोमजोर गोसोजों सिरियै गंस्त्रिहबनानै आनि-थानि आन्दायबायनानै जाउदों आं दिडखौ गोजोननि मारु मोनहैगोननि मिजिंजों।

-गलाप खुंगुर बसुमतारि
कराझार

बावगारनो हायै रेगाफोर

रेगा जायखौनो बुडे इराजिनि Memories जाय खनसे जाखाबाय बियो जानानै थांखाबाय जाय खनसे मावखाबाय बियो मावखांखाबाय बिखौ रावबो मावि एबा खालामि, खालामनो हाफिनलिया जा जाबाय जानानै थांखाबाय नाथाय बै..... जानानै थानाय जाथाइफोरासो द'सेनि थाखायब्लाबो द'सेनो गाबनाय द'सेनो मिननाया। अरायसम अनन्जालायनाया, माब्लाबा बोराबलायनाया हागोनदि आं माब्लाबा ओरैनो गोरलैनो बावगारनो दैमाया रानलाडे रेस गालाडे बिफाड थैलाडे बेगर फोलाडे होत्रायबादि जोंबो जॉनि जिउआव जालानायफोरखौ मोजाडनो जा गात्रियानो जा माब्लाबाबो गोरलैयैनो बावगारनो हाया गोसो, मेलेम, गासै देहायवको रम रम हाबनानै थालाडे अरायसमनि थाखाय रेगा जानानै। नाथाय मालाबा खायफाया बेखौनो गोसोखांन उपले-उपले गाबफलाडे बिखाया दावदाब नांफलाडे।

-खोमथा बर'
हादानागुरि, उदालगुरि

रुगुं गैरोडिसिमां

बे सिमा गैथि लामाया जागायनायसो ना जोबरोडैजागायनायनि गिबि बिथाइ

जेराव समाबो लाथा खायो आरो फागुननि दालायाव गोजोननि बिबान गोनां हाद्रिफोरजों सोमखोर अखां खोबजायो

जेब्लासिम थाइनें मेगननि नोजोरा निजोमथिनि बान्दोआव बुसावहैया सिमांनि हरै रुगुंफारसे खोबथेजायो मिजिंफोरा

दद्रयै दिदोमै थानाय सोलेराबो सोदोब होयो नाथाय मोनदां हाया मोनसेबो खोमसिनि जानाय जाथाइ

खोमसिनि बान्दा जानाय गोसोम सायखंआबो होयो सैथोथिनि फारसे जेननांनयायनि लिरदोब फिननाय

जेराव मोनदाडे लोरबांथिजों बेंथाना थानाय गोहैलो इनजुर गोफार जनि गोब्राब सोंथियाव दुखु मोननाय लोरबां इन्जुर

-कुमार बसुमतारि
लखिमपुर

(1 बिलाइनिफ्राय)

बाथौ महासभानि भवानिपुर-सरुपेता दख'रा आफाद दादों

सामलायनायाव खुंनयाय मेलआव दुर्गा र्वर्गियारिखौ आफादगिरि, नरेश्वर खेरखातारिखौ गाहाइ नेहाथारि, पतिक बसुमतारिखौ आफादआरि नेहाथारि, सत्रसिं मुसाहारिखौ हारिमु नेहाथारि महरै लाना सा 31 सोद्रोमानि बाथौ महासभानि भवानिपुर-सरुपेता दख'रा आफादखौ गोदानै दाफुना होयो। मेलआव जोथोनगिरि महरै बाहागो लाफेदों दुलाराय बाथौ महासभा बजालि जिल्ला आफादनि लेडइ आफादगिरि करेन गयारिआ।

मानास माहारियारि पार्कआव दावबायारिनि गारिखौ मासे गान्दाया गाग्लोबनो नाजादों

खालामबाय थानाय समावको खारबाय थानाय गारिआ साफारि खालामबाय थानो दावबायारिनि हान्जाखौ मासे गान्दाआ खुद्रिखांनयाय महयव गाग्लोबनो लादों। पार्कनि गेजेरजों थांबाय थानाय दावबायारिफोरनि दावबायनाय जिफखौ 2 कि:मि: नाडै उनथिंजाय गाग्लोबनो होसोबाय थादों। नाथाय गारि सालायगिरिआ सांग्रंथिजों गारिजों लोगोसे दावबायारिनि हान्जाखौ गान्दानि गाग्लोबनो लानायनिफ्राय रेखा खालामो। मख'नो गोनांदि, मानास माहारियारि पार्कआव सोलिफुदानआव लान्थ्रियै सानथामनाडैगान्दाया दावबायारिनि गारिखौ गाग्लोबनो नागिरनाय गिखंथाव जाथाय सोमजियो।

आंनि हाबस्थायनाय

हरखाब लोगो मोनजेनायावको आंनि थायनै मेगना, नॉनि हायना महरखौनो। आंनि गोसो गोरबोआ मानोबा नॉनियावल' थाबाय थायो। गोसोखाडे आं अरायबो नोंखौ नागिनानै मोनबाय आं सायखना नोंखौल' बे फैलाव मुहुम बिखायाव। "नाथाय..... मोनथिनो मोना, सोर अनजालुया नॉनि? खुगाजों बुंनो हायाब्लाबो लुबैदेंमोन आं नॉनि खुगानिफ्राय फंसेल' रावखौ। आजोलि महरा नॉनि मोनहां जागोन- जाया। गोसो जॉल' आं नोंखौ हास्थायबाय थायो। उन्दुनाय गैया जिरायनाय गैया आंनि बै मोजोमसे जिउ सोलेराव। नों अनजालिखौ गोसो खानानै जेब्लासिम आंनि जिउ सोलेराव थागोन। बि समसिम आंनि नोंखौ अनसायनायाबो थाबाय थागोन।

मुस्त्रि दशरथ बसुमतारि
कराझार एम थि स्कुल
जिला- कराझार ,बि टि सि
गामि-12 नं भुमखा

बेरेखा

संसारनि जेथो गोनां बारजों जाखो दिनें नों र'जे मानो बेरेखा बाला गोरान बायदि नॉनि गोसो आंदि दिनें हालाय-हाफाय गोसोयाव सानदोंमोन आं सिरि-सिरि, नॉनि अननाय मोननो फार-फारि गोजोनै थानो अराय जुगनि। जाबाय नों सोरबा र'जेनि थाखाय बेरेखा मिजिंआ जाबाय नॉनि बेनि थाखाय बेयोदि जेथो गोनां बार..... हायना गोनां मोदोमफ्रु बिबार जानांयबाय नों बेनि हायनायाव संसाराव आंखौ नेवसिनानै जेथो गोनां बारजों बेरेखा। नोंबो खालामबाय आंखौ दिनें संसारनि सिरिनाय गोरान बिलाय, नेनानै थानोसै आंलाय..... नोंखौनो बै जोनोमनि बुन्धियाव।

थायना चम्पा नार्जारी।
गेवलां गोजौ फरायसालि
ला:सो:- बिन्याखाता।
जिला- कराझार, बि टि सि

बर' बिमा

नै नों बिमा सोरजगिरि जोनोम होदोमोन नोंडे आंखौ जोनोमगिरि, आसा दड मोन नोंहा बे संसाराव थानानै थानायनि रुजु रुमु रायजो जानायनि। नाथाइ इनाय सुथुरनि फावआव गोमालांबाय नोडे हरखाब बुब्बियाव दुखु-दाहा नागारनानै सुखु गोजोन बावजोबना थांबाय नोडे बबेबा दाबसे हादाबाव। जोनोमगिरि नोडे बोर सारस्रियै, सोरजगिरि नों राहा दिन्थिफै। सिबिलांनो दुखुथिया बर' हारिखौ, गोहो होफै नोडे फोजोबझांनो इनाय बानाय सुथुर हारिखौ। बिग्रायखां गोहोखौ दिन्थि हर बिमा खौसे जाथों दुखुथिया बर' हारिया। आय.....नों बिखायाव दावदाब दा गालांसै गासोखांदों बै समनि बर' जोहोलाव जोहोलाव जोखौ। सिखोला गाम्बारी बिरगोस्त्रि सिख्लामोन बायदि खौसेथिखौ। आय.... नों गोबों बिखायाव अननाय दडब्ला थारैनो फोजाखां फेदो

मुस्त्रि राजेश बसुमतारि
फरायसालि- कारिगाव हाइस्कुल
ला:सो:- कारिगाव
गामि: आमगुरि
जिला- कराझार, बि टि सि

जखायसे लिमारिक

(1)

सरायबिलाव दड जामदुवार कलेज आंलाइ लादोंमोन बावको नलेज आधिकालनि सिख्लाफोरा.....!! सेंग्राफोरखौ नागिरो बंके मेनाजार।

(2)

आधिकालनि सेंग्राफोरा लायो थेरी नाम खानाय इकजाम फिस एदमिसन फिस दाबियो बिमा बिफानाव।

(3)

कलेज फरायनो थाडे सिनिमा हलाव फि अ फ्रमसन आनजादखौ उथ्रिनो हायैनि.....!! जाबाय ग'साइआसो सुनि।

(4)

नै आदा गफाल सेंग्रा नोंलाइ आंखौ मानो गोसो थोला फरायसालियाव जरायबाय थायो नोंजॉल आंखौ बयबो कनले-कनले।

थायना दिमाफुरी मसाहारी
कासियाबारि गोजौ फरायसालि
ला:सो:- फकिहागा
जिला- कराझार ,बि टि सि

ⓘ 3 बिलाड़िनफ़्राय)

बतद्रबा बिथांखिखौं गिबि मन्थिआ नायसफ़ेदों

जौगाखानाय सिगानायखौ थोंजों मिथिना लानायजों लोगोसे गुबुन गुबुन बिथिंफोरखौं लानानै सावरायलायो। बेनि उनावनो बेयाव बाहागो लाफैनाय खौरां बिजोंनि सिगाडव गिबि मन्थ्रिआ फोरमायदोंदि, महापुरुष श्रीमन्त शंकरदेबनि जोनोम जायगा बतद्रबाखौं हामुवारि आरो हेरिटेज साइट महैरै सोर्जिनायनि थांखिजों मावफुंबाय थानाय बिथांखिनि गुबुन गुबुन खोलोबनि खामानिआ मोनसे समावनो सोलिबाय थादों आरो गुबै लुनाय खामानिआ गासै 80 जौखोन्दो आवुं जाबाय। बिथांखिआव थानो गोनां सोदोब आरो जौथि–माथि लाइतिं दिन्थिनाय, गथ 'साफोरनि थाखाय जर'खा रहा मिउजिकेल फाउन्टेन बायदि सिंनि सोमोन्दो गोनां बाहागोफोरखौं आधिखालाव फोनांजाबनो आद्रा दङ्। गिबि मन्थ्रिआ बुंदोंदि, गाहाइ मन्थ्रि नरेन्द्र मदिआ आधिखालाव महाबिर लाचित बरफुकननि मोनसे गेदेर मुसुखाखौं हाबाफारि बायदियै बेखेवना होबाय। माधबदेब कलाक्षेत्रनि लुनाय खामानियाबो आधिखालाव आवुं जाबाय। आसामनि माहारियारि जिउखौं गेदेरथार खालामनायनि थांखिजों बतद्रबायाव मावफुंबाय थानाय बिथांखियाबो आधिखालाव आवुं जानायनि लामायाव सौफैबाय। बेबायदिनो आलाबै दावहानि गोसोर्खांथि पार्क लुनायनि खामानियाबो आधिखालाव सोलिगासिनो दङ् होन्नानै बिथाङ् बुंदोंदि, सोलिफु बोसोरवनो रइज्यो सरकार बरपेटनि फातबावसियाव मोनसे गेदेर बिथांखिनि खामानिखौं जागायगोन। गुबुन फासैं गाहाइ मन्थ्रि नरेन्द्र मदिआ फैनौं 13 मार्चंआव गोदान दिल्लीनिफ्राय थोंजों जागिरतआव सेमिकन्डाक्टर बिथांखिनि खामानिखौं बेखेवना हेगोन होन्ना फोरस्मायथिने गिबि मन्थ्रिआ बुंदोंदि, गाहाइ मन्थ्रि मदिआ हेरिटेजजों लोब्बा थानाय आरो जौगाखानाय मोनैनायवबो गोनांथि होदों। गाहाइ मन्थ्रिन् थुलुंगा खानायवानो रइज्यो सरकारा आसामनि धोन गोनां हेरिटेजनि गोसारनायजों लोगोसे जौगाखानायनि खामानिफोरखौं गोख्वैथिजों मावफुंगासिनो दङ् होन्नानैबो बिथाङ् बुङ्। गिबि मन्थ्रिनि बे दावबायहैनाय समाव सत्राधिकार देबानन्द देब गस्वामीजों लोगोसे माखासे भक्त-बैष्णबनि अनगायैबो एमएलए रुपक शर्मां आरो सुशिकान्त दास, श्रीमन्त शंकरदेब कलाक्षेत्र समाजनि नेहाथारि सुदर्शन ठाकुर, समाज सिबियारि सुरेश बरा, पुलिस बिथोनगिरि गाहइ जिपि सिं, जिल्ला कमिशनार नरेन्द्र कुमार साहमोनजों लोगोसे माखासे मान गोनां सुबुंफोर बाहागो लाफैदों।☐

सनितपुर जिल्लानि गं 12०4 बर’ नख ’रफोरा मोन्नो हाबावबाय हानि फोरमान बिलाड़

बिलाड़ रानानै होनायनि थाखाय भारत सरकार, आसाम सरकार आरो बि.टि.आर सरकारनिसिम दुलाराय बर’ फरायसा आफादआ साबायख’र बाउदों। हाग्रा ओन्सोलाव रइजो जानाय थागिबि सुबुंफोरनो हानि मोन्थाय होनो थाखाय भारत सरकारआ थांनाय 2००६ माइथायवनो फरेस्ट राइट एक्ट २0०6 आइन्खौं लाबोदोंमोन। बे आइन् भारतआव आजावजानाय लोगो–लोगोनो भारतनि गोबां रइज्योफोरवबो हानि जेंनाया सुस्नांजादोंमोनब्लाबो नाथाय आसामाव बे आइन्खौं मोंजाडै मावफुंनाय जायाखैमोन। बेबादिनो बिटिएडिजों लोगोसे आसामाव थानाय गोबां जिल्लाफोरनि हानि जेंनाखौं सुस्नानानै होनांगौनि थाखाय थांनाय 2०1० इं माइथायनिफ्रायनो रइजो–राजाफोरखौं लानानै एबसुआ गोलाउ सम सोमावसारबोब्लाबो नांगौ बादि फिथाइ थाइयैनि थांनाय २०२0 इं माइथायनि 27 जानुवारिआव जानानै थांनाय बिटिआर गोरोबथानि ५.3 दफायाव बिटिआरजों लोगोसे आसामाव रइजो जानाय बर’ आरो ट्राइबेलफोरनि हानि जेंनाखौं सुस्नांनो मख'नाय जादोंमोन। बेबादिनो दिनें सनितपुर जिल्ला एबसुनि बान्जायनायाव खुंनाय थामथि खेबनि हानि टास्टेल चार्टिफिकेटखौं रानजेनानै होयो आसामनि केबिनेट मन्थ्रि अशक सिंहालआ। हानि फोरमान बिलाड़ रान्नाय हाबाफारियाव जर'खा आलासि महैरै बाहागो लायो मिरु एबसुनि आफादगिरि दिपेन बर'आ। जर'खा आलासि महैरै बाहागो लानानै बिथाङ् बिटिआर गोरोबथानि ५.3 दफा बादियै गोबाव सम दिन्दां जानानै थानाय हानि जेंनाखौं फरेस्ट राइट एक्ट 2००६ आइनि गेजेरजों सुस्नानानै होनायनि थाखाय भारत, आसाम आरो बि.टि.आर सरकारनिसिम एबसुनिफ्राय बर’ हरिनि जानानै साबायख’र बाउहरनानै इ्युनाव थाबैनो होनो गोनां आद्रा थाबावनायखौं मावफुंनो आसाम सरकारखौं खावलायबावो। लोगोसे सनितपुर आरो बिस्वनाथ जिल्लायाव थानाय बर'फोरनो नख'रफ्रोमबो हा मोन्नो हाजासिम एबसुआ सरकारखौं नारसिनलांगोन होन्नानै एबसुनि आफादगिरि दिपेन बर'आ फोरमायो। बे हाबाफारियावनो बाहागो लाबावो सनितपुर जिल्लानि डि.सि. देब' कुमार मिश्रा, ए.डि.सि कबिता काकती कनवार, सर्कैल अफिसार नयन पाठक, मिरु एबसुनि नेहाथारि आनन्द दैमारी, बुंथिगिरि अबित नाज्जिरि, सुबुं फेनांजाव नेहाथारि रजसे बसुमतारिजों लोगोसे रोजा–रोजा ओन्सोलनि रइजो–रजाफोरबो बाहागो लायो।☐

फैगौ सुबुं आफादनि बिसायख 'थियाव बिजाथि महरै गसंनो रोखा खालामदों पृथ्वीराज नारायण देब मेचआ

बिथानि बिजाथिया रोखा जाबाय नामा होन्नानै मिबथिनो नाजानायाव बिथाङ् बे दाबिखौं फोरमायो। बिथाङ् बुंवावो, गासैबो बाश्राफोरखौं दानो फोरमायजोबोब्बा उनाव जेबो रोखोमनि गोजेन्नाय थाया। बिथाङ् खौरां बिजोंनि सिगाडव शंख दामनानै दावहा फोसावबाय होन्नानै दाबि खालामो। बिथाङ् कक्राझार लकसभा बियाबआव बिपिएफनि देरहानाया रोखा होन्नानै दाबि खालामनानै इउपिपिएलआ गाञ्जियैनो मोखां सायर' जानांगोन होन्नानै बुङ्। बिथाङ् इउपिपिएल दोलोखौं ३थि सारियावसो थानांगोन होन्नानैबो दाबि खालामो। नाथाय १ नम्बर आरो 2 नम्बरआव सोर थागोन बेखौं गसाइआबो मिबथिया। मानोना भटखौं मानसिफोरासो हेगोन। बेखायनो गसाइनि हेफाजाबआ जायजों थागोन आरो भटार रइजो–राजाफोरा जायनो गोसोजों भट थुगोन बिथाङ्गानो १ नम्बरआव थागोन होन्नानै बुङ्।

रजकुमार पृथ्वी रजआ गावखौंनो बिपिएफ दोलोनि मिर्जिनि बिजाथिनि महैरै नङ् ट्राइबेलनि फिसा महैरैसो दिनेंनि खौरां मेलखौं खुंदों होन्नानै ट्राइबेलनि फिसाब्लाबो अना ट्राइबेल बिमानि गाइखेर जानानै गिदिर–गोलाव जादों होन्नानै बिथानि बिफाया ट्राइबेल आरो बिमाया अना ट्राइबेल। बेखायनो बिथाङ् बयखौंबो समानैनो मान होयो होन्नानै फोरमायो। माखासे साननि गेजेरवनो भारतनि बिसायख'थि आयगआ बिसायख'थिनि सान फोसावोब्बा गावनि नमिनेसन लाइ गथायनाय समाव साफ्रोमबो रइजो–राजाफोरखौं मदत होनो थाखाय खावलायनानै बिथाङ् गनायथि मोन्नाय दोलोनिफ्राय नमिनेसन गथायगोन होन्नानै दाबि खालामो। सासे लाइमोन दैदेनगिरिआ बिसायख'थियाव बादायनो ऑखारनायखौं जायफोरा हेंथा खालामदों बिसोरो बिसायख'थिनि समआव लाइमोन भटारफोरनिफ्राय मानो भट नागिरो होन्नानै सोंथि दैखाङ्।

मख'नो गोनांदि, बिपिएफनि आफादगिरि हाग्रामा महिलारीआ बिजाथिनि मुं फोसावनायनि सिगाडववनो गावखौं बिपिएफनि बिजाथि मोन्नो हानायनि रोखा इंगित होनानै रजकुमार पृथ्वी रजआ लाइमोन दैदेनगिरिखौं लुबैयै दोलोफोरनो लाइमोन हान्जाखौं लानानै दोलोनि सोद्रोमा खालामगासिनो दङ् होन्नानै बुङ्। बिथाङ् बिपिएफनि गुबुन सासे बिजाथि मोनथावना खाम्फ्र बरायारिनि सायाव माखासे सान सिगां खेलेंखारियाव लोब्बा थानाय भिडिअ भाइरलनि अजदखौं नेवसिगरानानै बिपिएफनि दैदेनगिरि खाम्फ्र बरायारिआ जायखि–जाया आइजोफेरजों खेलेंखारि जायाखै होन्नानै रोखा खालामो रजकुमारआ।☐

तामुलपुरआव भारतआरि सान्वि हान्जानि बान्जायनायाव सांगांथियारि मेल खुंदों

लोगोसे जर'खायै बेंगुर जानाय गागि सान्थिफोरनो व्हुइल सियार गथायनाय जायो। आफां आसामनि सा 15०० नि बांसिन बाराग' सान्थ्रि आरो बिसोरनि नख'रनि सुबुंफोरा बाहागो लाफैनाय बे जर'खा हाबाफारिया सान्थ्रिफोरजों लोगोसे बिसोरनि नख'रनो गुबुन गुबुन खाबु होनायनि अनगायैबो सिडिए, रेकर्ड मावखुलि आरो जिल्ला सान्थ्रि बर्डनि थान्देफोरनि गेजेरजों स्पट रिजुलेसन आरो आयदाफोरखौं सोदांनायनि बिथिङ्‌व पेनसन आरो सुख'नाय आयदाखौं लानानै सावरायलानायन जादों। सांग्रांथियारि रेलनि हाबाफारियाव फाहामथाय बादा आरो सिएसडि गलाफोरनि गेजेरजों हाबाफारियाव बाहागो लाफैनायफोरखौं फाहामथायनि हेफाजाब आरो सिएसडि खाबु होनाय जायो। हाबाफारियाव प्रगति एडुतेकरनि बान्जायनायाव थिसनजानायनि खाबु दिन्थिनाय गलाफोर, आबादारिफोरनि थाखाय सांग्रांथियारि बादा आरो जोलै–बेगरफोरखौं गथायनायनि रहा लानाय जादों। हाबाफारियाव भारतआरि सान्थ्रनि माखासे गोजू थाखीनि बिबानगिरिफोरा बाहागो लानायजों लोगोसे आजिरा मोन्नाय सान्थ्रि बिबानगिरिफोराबो बाहागो लाफैदों।☐

इन्डिया जुथाइ हान्जायाव गावसानाया रोखा जाबाय, मेह्‌बुबानि उगाव ममताआबो आलादायै बिसायख'थि गेलैनो थिरांथा लाबाय

फाइनाल खालामनो हायाखै। बिजेपिजों जुजिनो इन्डिया जुथाइ हान्जा दाफुंनाय बरेखो दोलोफोरा दासिमबो गावजों–गाव गोरोबलायनो हायै जानायनि थाखाय माखासे रइज्योआव कंग्रेसनि हास्थायनाय बियाव रानलायनायनि मिर्जिंआ थुंनोनायनि लामा लानो हमदों।

दिनै रबिबारखालि ममता बेनार्जिनि टिएमसिआ रइज्योनि गासैबो ४2 बियाबआव गावसोरनि बिजाथि फारिलाइखौं फोसावनानै होबाय। बिब्दि थासारि फैदोंब्लाबो नाथाय कंग्रेसआ गावसोरनि गोहोखौं हमदोनानै टिएमसिजों गोजान जानायखौं लुबैयाखै। नाथाय टिएमसिआसो कंग्रेसनि फासैं गोनांथि होनाय नुनो मोन्नाय जायाखै। बेराफासैं पान्जाबआवबो आम आदमि पाटिआ अंग्रेसखौं नागारानाै हारसिङेनो बिसायख'थि दावहायाव ऑंखारनो सिगांदों। काश्मीरआवबो कंग्रेसनि हालोदआ मोजां नङ्। इन्डिया जुथाइ हान्जानि सोद्रोमा दोलो उमर आब्दुल्लानि नैसनेल कन्फारेन्स आरो मेह्‌बुबा मुप्तिनि गेजेराव गोरोबलायनो हायै नुजानायाबो कंग्रेसनि फासैं खहा लाबोदों। मख'नो गोनांदि, जम्मु–काश्मीरनि मोनबा सुबुं आफादनि मासि दङ्, बेनि गेजेराव मोननै जम्मु सेक्टरआव आरो बेयो बिजेपिनि आखायाव दङ्। बेराफासैं काश्मीर हायेननि मोनथाम बियाबआ नैसनेल कन्फारेन्सनि खबजायाव। लादाखनि मोनसे बियाबआबो बिजेपिनि आखायाव। बेखौं नायोब्बा जुथाइ हान्जायाव गोरोबनाय फैयै जम्मु–काश्मीर आरो लादाखआव कंग्रेसनि बादायनो मोन्नांगोंआ गोब्राब जानानै फेंदों। बेनि अनगायैबो इन्डिया जुथाइ हान्जायाव कंग्रेसनि थाखाय महाराष्ट्रनिफ्राय लानानै बिहारसिम गोब्राब थासारिजों सौसिबोनो गोनां जानो हागौ। मानोना बेफेर रइज्योफोरवबो जुथाइ हान्जानि बियाब रानलायनायाव जायगानि ओन्सोलारि रजखान्थि दोलोफोरा गोजेन्नाय गैयैनि थाखायनो एखुथायै बिजाथि फसंनानै बिसायख'थि गेलेनायाव जानजि ख्राफ्रानायखौं नुनो मोन्नाय जादों।☐

बिजेपिनि ब्रैजौ मासिनि रल'गानखौं कंग्रेस आफादगिरि खङ्गेआ सौस्वार्टिों

लाबोदों। कंग्रेस आफादगिरि खङ्गेआ बेनि हेंथायै बुङ्जेदि, बिजेपि सरकारआ एस.सि, एस.टि आरो अ.बि.सिनि मोन्थायफोरखौं लागानै बिसायख'थियारि थासारिखौं दुंहाव खालामनो नाजादों। बेराफासैं रहलु गान्धोआबो बुङ्जेदि, बिथांमोनहा सुबुंखान्थिखौं मोजां मोना होन्नानै कंग्रेस आरो इन्डिया जुथाइ हान्जाया जोबथा हां लानायसिमाव संबिजरनि सिङ्‌व होनाय सुबुंखान्थियारि मोन्थायफोरखौं रैखा खालामनो जुजिलांबाय थागोन। कंग्रेस आफादगिरि खङ्गेआ बुंवावोदि, हादतनि संबिजिरि बायदियै धोरेम उदां, दान्थे–बिदान्थे गैयै सुबुंखान्थियारि आसारखान्थिनि सायाव थोंजों गाग्लोबनाय जादों। न्याय, समानथि आरो उदास्त्रिआ संबिजरिनि गोखों खुन्थिया। बे बोसोनखान्थिफोराव जायखि–जाया सोलायनाया संबिजिरि रन्साडिगिरि बाबा साहेब अम्बेडकारखौं लाजिफोनांनाय जागोन। सुबुंखान्थि आरो संबिजिरिखौं रैखा खालामनाया साफ्रोमबो भारतआरिफोरनि गोथार बिबान होन्नानै खङ्गेआ बुङ्।

बिजेपिनि ब्रैजौ मासिनि गोनांथि दङ् होन्नायनि सायाव कंग्रेस दैदेनगिरि रहलु गान्धोआ बुङ्जेदि, बिसोरनि जोबथा थांखिया बाबा साहेबनि संबिजिरिखौं फोजेबस्नानाय। बिसोरो न्याय, समानथि, नोगोरारि मोन्थाय आरो सुबुंखान्थिखौं मुगैयो। समाजखौं बोखावनानै फोसाव बिजोंखौं बान्दा खालामनानै फोरमायनायनि उदांस्त्रिखौं रैखा खालामनानै आरो उदां फसंथानफोरखौं बेंगुर खालामनानै बेरेखा हान्जाखौं फोजेबस्नानायनि फाव फान्दायनानै बिसोरौ भारतनि गेदेमा सुबुंवांथिखौं मोनसे ग्युवेब डिक्टेटरसिपआव सोलायनो नाजादों।☐

कक्राझारआव बड'लेण्ड डिजिटेल जानालिस्थ एससियेसन्नि मावफुं मेल खुंदों

एससियेसननि मोनसे गोनांथार जर'खा मावफुं मेलखौं दिनें कक्राझारआव खुंनाय जायो। बि टि आरनि राजथावनि गोजोननि नोगोर कक्राझारनि बड'फा नोगोरआव थानाय बड'लेण्ड आलासि जिरायसालि सावराय न'ब्लाङ्‌व बड'लेण्ड डिजि्टेल जानालिस्थ एससियेसननि बे गोनांथार जर'खा मावफुं मेलखौं खुंनाय जादों। गौथुमनि आफादगिरि हांगामा नार्जारिनि मासि लानानै सामलायनाय दिनेंनि बे मावफुं सावराय मेलनि गेजेरजों आधिखालनि थासारियाव बर' खौरां बिजोंनि बिफाव आरो बर' खौरां बिजोंनि जेंना, बर' खौरांगिरिफोरनि जेंना आयदाफेरजों लोगोसे गुबुन माखासे गोनां आयदानि सायावबो गुवारै सावरायनाय जायो। दिनेंनि मावफुं मेलआव सावरायलानानानै बयनिबो मदतजों अल बड' डिजि्टेल जानालिस्थ एससियेसननि मुंखौं सोलायनानै बड'लेण्ड डिजि्टेल जानालिस्थ एससियेसन मुं दोनफिन्नाय जायो। लोगोसे बड'लेण्ड डिजि्टेल जानालिस्थ एससियेसनआव बड'लेण्ड रदाब चेनेलखौंबो थिसन्नानै लानायजों लोगोसे बड'लेण्ड रदाबनि गाहाइ सुजुगिरि मैखोम बसुमतारिखौं गौथुमनि लेङ्‌इ आफादगिरि महैरै बिबान होनाय जायो। बेजों लोगोसेनो दिनेंनि सावराय मावफुं मेलनि गेजेरजों कक्राझारआव टेम्फरारि मिरु मावख' लानाय, आद्रा थानाय जिल्लाफोराव जिल्ला आफाद दाफुंनानै लानाय आरो जिल्ला आफाद दाफामनाय, फैबाय थानाय लकसभा बिसायख'थियाव बर'नि खौरां बिजों आरो खौरांगिरिफोरनि बिफाव लानाय बायदि बायदि आयदानि सायाव गुवारै सावरायनायनि गेजेरजों थांखि आजावनाय जायो।दिनेंनि मावफुंमेलनि गेजेरजों गुबुन मोनसे गोनांथार थांखि लानाया जाबाय– बोसोफ्रोमबो बड'लेण्ड डिजि्टेल जानालिस्थ एससियेसननि बोसोरारि जथुमा खुंनायनि गेजेरजों बर'नि खौरां बिजों सामलायगिरि, सुजुगिरि आरो खौरांगिरिफेरखौं थुंनुगा होनाय आरो मान होनायनि असिलायै खौरां बिजों, समाज आरो गुबुन गुबुन फ्रेथायव खामानि मावनानै बिहेमा होलानाय माखासे गेदेमा सुबुंफेरनि मुडै-साबसिन चेनेल, साबसिन खौरांगिरि, साबसिन एनकर बायदि बायदि बान्था होनायनि थांखिखौं दिनेंनि मावफुंमेलनि गेजेरजों आजावनानै लानाय जायो।☐

‘का’ आइन् बोखारनो दाबिनानै कक्राझारआवबो आसुनि अनशन

खुङ्गे। फुंबिलि 6 बाजिनिफ्राय बेलासिनि ६ बाजिसिम गोजोन थासारियाव 1२ घन्टा अनशन खुंनाे आसुनि मिरु लेङ्‌इ आफादगिरि नबन्थति रयआ आसाम एबा सा–सान्जा ओन्सोलाव सरकारआ बोलोजों जाबसिन्नानै होनो नाजानाय ‘का’ आइन्खौं जोङ्गे जैरैखि–जाया गनायनानै लानो हाया होन्नानै बुङ्गे। बिथाङ्‌ आसामनि मोन 30 हारिफोरनि दोलो आफादफोरनि खावलायनायाव दिनें कक्राझार जिल्ला आसुआ नोगोरारिथाय सोदांनाय आइन् बोखारनो दाबिनानै १२ घन्टा अनशन फालिनाय जायो होन्नानै खौरांगिरिनो मिबथि होयो। आसु दैदेनगिरि रयआ आसामनि रइजो–राजाफोरखौं नागारनानै बिजेपि सरकारआ संबिजिरि बेरेखा ‘का’ आइन् जाबसिन्नानै होनो नागिरनाया जोबोरैनो इनाय आरो बेनि बेरेखा सिगाड्‌वबो खालामनाय जादोंमोन आरो आधिखालबो खालामबाय थागोन होन्नानै सांग्रांथि होयो। बिजेपि सरकारआ आसामनि रइजो–राजाफोरनि गोखों हेंथा होनायनि गेजेरावबो धोरोमनि मुङ्‌व गोहो–बोलोजों ‘का’ आइन् जाबसिन्नानै आसाम बेरेखा आरो थागिबि बेरेखा बिफाव लागासिनो दङ् होन्नानै गोखोंथारै आजद लाबोयो। दिनेंनि १२ घन्टा अनशनआव कक्राझार जिल्ला आसुनि गाहाइ नेहाथारि जिउस चौधुरि आरो जिल्ला, आन्सलिकनि १00 निखुइ बांसिन सोद्रोमाफोरा बाहागो लानानै अनशन खुङ्गे।☐

कक्राझार गुदि फोरेंथाय मिरुनि प्लेटिनाम माइथाय फालिथाया थुंगेलांबाय

मिरुआ ७5 बोसोर एबा प्लेटिनाम माइथाय बोसोर बारलांबाय। बेनि थाखायनो बोसोर नाडै गुबुन गुबुन हाबाफारिजों प्लेटिनाम माइथाय फोर्बों फालिनाय जायो आरो बोसोर नाडै: बे फोर्बोंआ मैयानिफ्राय साननै नाडै गेदेर हाबाफारिजों खुंजायो। मख'नो गोनांदि, ९ मार्चखालि एबा मैया शनिबारखालिनिफ्राय जागायजेन्नाय प्लेटिनाम माइथाय फोर्बोंनि दिनें जोबथा सानखालि फुङ्‌व फिरफिला बिरहोयो गोरायुं सोमदोन ब्रह्मआ। बेनि उनाव गुदि फरायसालिनि उन्दै–उन्दै फरायसाफोरनि गेजेरव खन्थाइ आवरायनाय, मोसानाय दिन्थिनाय बायदि हाबाफारिजों खुंजानायनि उनाव कक्राझार गुदि फोरेंथाय मिरुनि गोरायुं सोमदोन ब्रह्मनि आफादगिरि मासि सामलायथायाव मोनसे गेवलां मेल खुंनाय जायो। गेवलां मेलाव कक्राझार बिधान सभा बियाबनि लरेन्स इसलारीआ गाहाइ आलासि महैरै बाहागो लाफैना मिरुनि बारा' फरायसा आरो साहित्य अकाडेमि बान्था मोनगिरि ङ् मंगलसिं हाजवारी आरो रइज्योआरि साबसिनथार फोरोंगिरि बान्था मोनगिरि ध्वजेन्द्र नाथ ब्रह्मखौं बराय मान बावो। गेवलां मेलाव बाहागो लाफैनानै ङ् मंगलसिं हाजवारीआ खौरां बिजोंनि सिगाड्‌व सोमावसारगिरिफोरा जाय थांखिखौं लानानै सोमावसारनायाव ऑंखारदों बेखौं आसामनि रइजो–राजाफोरा माबादि रोखोमनि अनसायगोन बेखौं आधिखालाव बुंनो हाया। नाथाय आं आसामाव नोगोरारि सोदांनाय आयेन बाहायजानाङ्‌ होन्ना सानो होन्नानै बिथाङ्‌ मिबथिहोयो। गावखौं दिनें मान बावनायनि थाखाय बान्जाय आफादखौं साबायख'र बावो। बिथाङ्‌ गुदि फोरेंथाय मिरुनि जौगाखानाया जोबोद गोनांथार होन्नानै बुङ्गे।☐

‘बिकाश यात्रा'नि सिडाव सनितपुर, बाक्सा आरो उदालगुरि जिल्लायाव गुबुन गुबुन बिथांखि बेखेवनायजों लोगोसे अन्थाइ खाम्फा गायसन्दों

गुन गोनां सोलोंथाय होनारयनि बिथिङ्‌व जरखायै हेफाजाब गोनां जागोन। बेनि अनगायैबो हा फुजा होनाय 50 मेगावात गोहो गोनां सलार गोहो बिथांखिखौं ३०० कौटि रं बाहायनायजों ८6४ शिधा हाखौं लाफानानै लुनाय जागो। हाबाफारियाव नख'र आरो नोगोर परिक्रमा बिफाननि मन्थ्रि अशक सिंहाल एमपि पल्लब लचन दास, एमएलए गनेश कुमार लिम्बु, श्रीमन्त शंकरदेब केलाक्षेत्र समाजनि नेहाथारि सुदर्शन ठाकुर, एपिडिसिएलनि सामलाय बिथोनगिरि रकेश कुमार, जिल्ला कमिशनार देब कुमार मिश्रमोनजों लोगोसे माखासे मान गोनां सुबुंफोरा बाहागो लाफैदों। गुबुन फासैं गिबि मन्थ्रिआ दिनें शनितपुर जिल्लायाव गासै १3७० कौटि रं बाहायनानै गुबुन गुबुन बिथांखिनि हा फुजा होनाय, अन्थाइ खाम्फा गायसन्नाय आरो गोथारै बेखावना होदों। बेखौं लोब्बा लानानै घरमारीयाव थानाय हेम बरुवा गोजौसिन गेजेरारि फरायसालिनि गेलेमु फोथाराव खुंनाय हाबाफारियाव गिबि मन्थ्रिआ बाहागो लादों। गिबि मन्थ्रिआ बेखेवनाय बिथांखिफोरा जाबाय– बरचला बियाबाव १4८.१८ कौटि रं बाहायनायजों जौगाखां होनाय धुरुरीनिफ्राय धेकियाजुलि आरो कालिस्ताननिफ्राय गुप्तेश्वर मन्दिरसिम आसाम मालानि सिङ्‌व जौगाखां होनाय दौनें लामा, 55.04 कौटि रं बाहायनायजों लुनाय गं 4६ रइज्योआरि दै जगायथाय बिथांखि, श्वदेश दर्शन बिथांखिनि हेरिटेज कार्केटनि सिङ्‌व तेजपुराव २.९5 कौटि रं बाहायनायजों जौगाखां होनाय दाबायारिजों लोब्बा थानाय गुबुन गुबुन सिबिथाय, ५.३1 कौटि रं बाहायनायजों साहा बागाननि फाहामसालिनि थाखाय जगायनाय बेशम जानायफोरनि हान्था–मेला खालामग्रा गारि, २.६२ कौटि रं बाहायनानै लुनाय पुलिस बरेक, ५.०3 कौटि रं बाहायनायजों धेकियाजुलि बियाबाव उतकर्षनि मिरुसिम जौगाखां होनाय, सरकारि इन्सटिटुट आरो आइटिआइ, रङ्‌पारा बियाबनि बालिपाराआव सिगनिसार बिथांखिनि सिङ्‌व १० कौटि रं बाहानायजों लुनाय डिग्री फरायसालिमा, धेकियाजुलि बियाबनि भुटफुराव १० कौटि रं बाहायनानै लुनाय स्टेडियामआ दङ्‌। गुबुन फासैं हा फुजा होनाय बिथांखिया जाबाय आसाम माला २.० नि सिङ्‌व 1११ कौटि रं बाहायनायजों परुवा सारियालि हरिगाव तेजपुर मुलुग सोलोंसालि लामाखौं फोजेखानाय। बेनि अनगायैबो बिथाङ्‌ शतिया बियाबाव १० कौटि रं बाहायनायजों लुजानो गोनां इन्डर स्टेडियाम, शनितपुर जिल्लायाव 4२.८1 कौटि रं बाहायनायजों दों ३१ सुबुं लुफुंथाय बिफाननि लामा बिथांखिजों लोगोसे माखासे बिथांखिफोरा दंफायो। दिनेंनि बे हाबाफारियावनो गिबि मन्थ्रिआ देहा सिबिथाय होनायनि खाबु गोनां बायदियै शनितपुर जिल्लानि गं 32 साहा बागानफोरनो एम्बुलेन्स गथायो। हाबाफारियाव दै जगायथाय बिफाननि मन्थ्रि अशक सिंहाल, एमपि पल्लब लसन दास, एमएल रन्जित दत्त, पद्म हाजरिका, पृथ्थ्वराज राभा, गनेश कुमार लिम्बु, कृष्ण कमल ताँति मोनजों लोगोसे माखासे मान गोनां सुबुंफोरा बाहगो लाफैदों। बेनि उनावनो गिबि मन्थ्रिआ बाक्सा जिल्लायाव 308 कौटि रं बाहायनानै मोन ३६ बिथांखिखौं बेखेवनायजों लोगोसे हा फुजा होनाय आरो अन्थाइ खाम्फा गायसन्ना होदों। बेखौं लोब्बा लानानै खुंनाय मेलाव गिबि मन्थ्रिआ बुंदोंदि, लामा जौगाखानायनिफ्राय जागायजेन्नानै रइज्योआरि न'नि गुदि बिथासिम जायफोर जौगाखाङ्‌गारि बिथांखिफोरखौं मावफुंनायनि थांखि लानाय जादों, बेनि गेजेरजों जिल्लानि सरसनस्त्रा सुबुंफोरनि मिर्जिं–थिनाय, हास्थानाया सुफुंजानायनि बिथिङ्‌व जोबोद बिहेमा हेगोन। दिनेंनि हे हाबाफारियाव रंखान्थि बिफाननि मन्थ्रि अजन्ता नेवग, आखाइ इसान जि–जोम बायदि बिफाननि मन्थ्रि इञ्‌जि ब्रह्म, बिटिआरनि गाहाइ मावफुं सोद्रोमा प्रमद बर'मोनजों लोगोसे माखासे मान गोनां सुबुंफोरा बाहागो लाफैदों।

गुबुन फासैं गिबि मन्थ्रिआ दिनें उदालगुरि जिल्लायाव 447 कौटि (४47.२6 कौटि) रंजों मावफुंनाय माखासे गोनांथार बिथांखिफोरखौं अन्थाइ खाम्फा गायसन्दों आरो गोथारै बेखेवना हादों। गिबिल मन्थ्रिआ एनइएसआइडिसएसनि सिङ्‌व १३१.७२ कौटि रं बाहायनायजों बगामाटिनिफ्राय नावबान्दा गामि जानानै भेरागवसिम लुजानो गोनां २5.१० किल'मिटर लामानि अन्थाइ खाम्फा गायसन्दों। गुबुन फासैं बिथाङ्‌ आसाम माला २.0 नि सिङ्‌व बेंबोरिनिफ्राय नाव काटासिम ११5.७8 कौटि रं बाहायनायजों लुजानो गोनां गासै ३7 किल'मिटर गोलावर्थनि लामाखौंबो अन्थाइ खाम्फा गायसन्दों। लोगोसेनो ३5 कौटि रं बाहायनानै रं बाहायनायजों कलाइगावआव लुजानो गोनां सरकारि मडेल डिग्री कलेज, 8 कौटि रं बाहायनानै पानेरि बियाबआव लुजानो गोनां भेरागव गोजू फरायसालिजों लोगोसे माखासे बिथांखिनि अन्थाइ खाम्फाखौं गायसनो। गिबि मन्थ्रिआ उदालगुरि जिल्लानि दर २४ साहा बागानफोरनो गंफायै एम्बुलेन्स सिबिथायखौं हाबाफारि बायदियै गोथारै बेखेवना होयो। बेनि अनगायैबो २0०३ आरो २01६ माइथायाव पुलिसनि गुलियाव जिउ गोमानाय आरो जोख्रोम जानाय आदिवासि सुबुंफोरनि गं २5 नख'रफोरनो फारियै ५ लाख रं आरो 1 लाख एक्रखालिं रंखान्थि अन्सुंथाय गथायो। बेखौं लोब्बा लानानै खुंनाय मेलाव गिबि मन्थ्रिआ बुंदोंदि, टंला रेलवे क्रसिनि सायाव फ्ताइ अभार आरो भेरागवआव गंसे स्टेडियाम लुनाय जागोन। दिनेंनि बे हाबाफारियाव आसाम बिधान सभानि बुंथिगिरि बिश्वजित दैमारी, बिटिआरनि गाहाइ मावफुं सोद्रोमा प्रमद बर', एमपि दिलिप शङ्‌किया, रइज्यो सभानि बाराग' एमपि शान्तियास कुजुर, एमएलएफोर गविन्द बसुमतारि, दुर्गा दास बर', चरन बर', बिटिआरनि मावफुं सोद्रोमा आरो एमसिएलएफोर, जिल्ला कमिशनार सदर्के सिंमोनजों लोगोसे माखासे मान गोनां सुबुंफोरा बाहागो लाफैदों।☐

जन भाइट आरो मेगान फक्सआ गाजिसिन फावखुंगुर आरो फावखुंगुरिफोरनि मुं मोन्दों

मेगानआ बे खेबाव 96थि एकाडेमी बान्थायाव दं। साफ्रोम फावखुंगुर आरो दिथागिरिनि सिमाड अस्कार बान्थानि थाखाय मुं सायख'जानाय आरो बेखौ देरहानाय, जाय मुलुगनि मानगोनां बान्था फोर्बोफोरनि गेजेराव मोनसे। 96थि एकाडेमी बान्थाखौ 10 मार्चखालि लस एन्जेल्सनि डल्बी थियेटाराव खुंनय जागोन। बे समावनो बे बान्था दिन्थिफुं'नाय खौ समबार खालि भारतआव फोसावनाय जागोन। बयनिखुइ सावसिन दिन्थिफुं'नायनि थाखाय मुं सायख'जानाय थाखोफोरनि गेजेराव, जों नोंथानो माखासे सावथुनफोर आरो फावखुंगुरफोरनि सोमोन्दै फोरमायगोन जायफोर खौ गाजिसिन दिन्थिफुं'नायनि थाखाय बान्था होनाय जादों। 44थि रेजी एवार्डसआ 9 मार्चआव खुंजादोंमोन। बेखौ हारुन गल्डेनबर्ग आरो जेक जनेजआ बान्जायदों। बिथांमोनहा बयनिबो गाजिसिन दिन्थिफुं'नायनि थाखाय



देरहागिरिफोरनि मुंखौ फोसावदों। अस्कारनि मुं सायख'जानाय बादयगिरिफोर आरो सावथुनफोरखौ गल्डेन रास्पबेरी एवार्डस (रेजी एबा रेजी एवार्डस) मुडेबो मिथिनाय जादों। बेयाव बै फावखुंगुरफोरनि मुंफोर दंफायो, जायफोरा गिदिर फे सालियाव जोबोद बाखायजादोंमोन, नाथाय बिसोरो बेवहाय सावसिन बान्था लानो हायाखेमोन। फारिलाइनि गिबि मुड बै फावखुंगुर जाय 2023 माइथायनि आमेरिकानि एकशन सावथुन 'मर्सी' नि थाखाय अस्कार बान्था सावसिन

फावखुंगुरनि थाखोआव मुं सायख'जादोंमोन। सावथुननि फावखुंगुर जन भाइटखौ बयनिखुइबो खामानि गैयै दिन्थिफुं'नायनि थाखाय रेजी बान्थाजों मान होनाय जादों। हलीउडनि गोजौ थाखोनि फावखुंगुरि मेगान फक्सखौ मोनै थाखोआव गाजिसिन दिन्थिफुं'नायनि थाखाय रेजी बान्था होनाय जादोंमोन। रेजीजआ 'जनी एन्ड क्लाइड' आव गहाइ फावखुंगुरिनि थाखाय आरो 'एक्सपेन्ड 4 ब्लीज' आव लोगो फावखुंगुरिनि थाखाय बान्था मोनो हदोंमोन।

खामानि गैयै दिन्थिफुं'नायनि फारिलाइयाव आमेरिकानि फावखुंगुर सिल्वेस्टर स्टेनलनि मुंडाबो दंफायो। बिथाड बे बान्थाखौ 'एक्सपेन्ड 4 ब्लेज' नि थाखाय मोनदोंमोन। सिल्वेस्टर स्टेनल'नआ बे सावथुनाव हेफाजाबगिरि फावखुंगुरनि फावआव दंमोन। हरर सावथुन 'विनी दा पुहा गाजिसिन सावथुननि थाखाय बान्था मोनो हदों। 'विनी दा पुहा एन्ड एंड हनी' खौ रागिस एवार्डसनि मोनबा थाखोआव मुं सायख'नाय जादोंमोन। बेयो पिक्सर, दिथागिरि, स्क्रनप्ले,

स्क्रीन कपल आरो रिमेक एबा सीक्वेलनि थाखोआव मुं सायख'जादोंमोन। बेफोरनि गेजेराव 'विनी दा पुहा एन्ड एन्ड हनी' आ गाजिसिन सावथुननि थाखाय रागिस बान्था देरहादोंमोन, जेराव गोबां फावखुंगुर आरो सावथुनफोरखौ गाजिसिन दिन्थिफुं'नायनि बिथायाव बिजिरनाय जादोंमोन। एखे समावनो, फावखुंगुरि फ्रान ड्रेसचरखौ बिथानि दैदेन्याय रोंग 'थिनि थाखाय रेजी रिडीमर बान्था होनाय जादोंमोन। बान्था दिन्थिफुं'गिरिफोरा 2023 माइथायाव फावखुंगुरफोरनि हरथालनि समाव एसएजी-एएफटीआरएनि आफादगिरि महरै बिथांजोआ जाय रोखोमनि खामानि मावदोंमोन बेजों जोबोद खुसिमोन। बिथानो रागीनि रिडीमर बान्था होदोंमोन। बेयो बै समाव जेव्ला इ 1998 माइथायाव बिथांजोखौ सावथुन 'दा व्युटिशियन एन्ड दा बीस्ट' नि थाखाय बयनिखुइ खामानि गैयै फावखुंगुरि महरै मुं सायख'नाय जादोंमोन। गल्डेन रास्पबेरी एवार्डस (रेगीज एवार्ड) आ मोनसे पेरडी बान्था दिन्थिफुं'नाय, जायखौ सावथुन मुलुगाव गाजिसिन दिन्थिफुं'नायनि थाखाय होनाय जायो। बेखौ 1981 माइथायाव जागायजेननाय जादोंमोन। गिबि रेजीज बान्थाखौ सिल्वेस्टर स्टेनल'न आरो 'ब' डेरकनो होनाय जादोंमोन।

इब्राहिम आलि खानरवौ गंसे कारआव गार्लफ्रेन्डजों नुनो मोन्दों



बी-टाउननि दुइसिन नवाब इब्राहिम आली खानआ सेफ आलि खान आरो बिथानि गिबि बिसि अमृता सिंहनि फिसाज्जा। इब्राहिमआ सावथुनफोराव नुजाथिनो थाखाय थियारि, गोबां समावनो गावनि मोजां मोनलायनाय जिउनि सोमोन्दै सावरायबाय थायो। बोसोरसेनिफ्रायनो बिथानि मुड मुंदांखा दिभि फावखुंगुरि श्वेता तिवारीनि फिसाजो पलक

तिवारीजों लोब्बा दं। इब्राहिम आली खान आरो पलक तिवारीआ गोबां समावनो गावसोरनि सोमोन्दोनि बागै सावरायबाय थायो। माब्लाबा सिरि सिरि जयै सावथुन नायनाय एबा पाटि खालामनाय, गोबां समावनो इब्राहिम आरो पलकखौ जयै नुनो मोन्नाय जायो। बबेखानि, बेनि गेजेरावबो बिसोर सानैजों माब्लाबाबो गावसोरनि

सोमोन्दोखौ मावख'आरि खालामाखै। पलकआ गोबां समावनो इब्राहिमखौ गावनि मोजां लोगो महरै गनायदोंमोन। शनिबाराव इब्राहिम आली खान आरो पलक तिवारीखौ जयै नुनो मोन्नाय जादोंमोन। सानैबो मुन्बाइआव जयै नुजाथिदोंमोन। बे समाव, पलकखौ ग्रे टप आरो गोसोम पेन्टआव गोमोथाव नुदोंमोन। बे समावनो, इब्राहिम आली खानआ गांसे गोसोम

गावनि टी-सार्ट आरो डेनिम जिन्स गान्दोंमोन। बिसोर सानैबो कारजों ज' फैदोंमोन आरो उनाव जयै थादोंमोन। बे सानखालि इब्राहिम आरो पलकनि मोनसे भिडिअबो भाइरेल जादोंमोन, जेराव सैफनि लादलखौ गावनि बांसावनाय अनजालिखौ रेखा खालामनाय नुनो मोन्दों। गुबैयै फेफिनायाव पलकआ पापाराजीजों बेंखन जायो। फिन कारनि दर्जाखौ खेवनानै, इब्राहिमआ गावनि आखाइखौ ह्मो आरो कारआव जिरोयो। बेखौ नुनानै बयबो इब्राहिमखौ बाखायगासिनो दं। इब्राहिम आली खानआ थाबैनो बलीउडआव मोनसे गिदिर आगान होजेनो थागासिनो। बिथांखौ करण जोहरनि सावथुन सरजमीनआव नुनो मोनगोन। बेनि अनगायैबो बिथाडा खुशी कापुरजों लोगोसे आरोबाव मोनसे सावथुन दं। इब्राहिमआ 'रकी और रानी की प्रेम कहानी' सावथुनाव करणखौ हेफाजाव होदोंमोन। पलक तिवारीनि सोमोन्दै बुडोब्ला, बिथाड सिगांनिफ्रायनो आगान होजेनबाय। थांनय बोसोराव पलकआ सलमान खाननि किसी का भाई की जानजों गावनि आगानखौ होजेन्दोंमोन।

अर्जुन कापुरआ रहित शेटीनि सावथुन 'सिंधम' आव 'शेतान' नि फाव खालामगोन



2024 माइथायाव रहित शेटीआ फिन खेबसेबाव मोनसे एकशनजों बुंफबनाय सावथुन लाबोनो थागासिनो। सिंधम फ्रेन्चाइजीनि मोनै जाफुंसार सावथुनफोरनि उनाव थामथि खोन्दोआ फेगासिनो। नाथाय बे खेबाव सावथुना अजय देबगाननि खाथि-खाला गिदिनाय नड, नाथाय गोबां गिदिर बारग' रौनियाफोरखौ गोनां बिफावफोराव नुनो मोनगोन। बे सावथुनाव अर्जुन कापुरआ भिलेन जागोन। थांनय दानाव, रहित शेटीआ सिंधम एगेननिफ्राय अर्जुन कापुरनि

गिबि नुथायखौ शेयार खालामदोंमोन। पस्टाराव फावखुंगुरनि गिथावना नुथाया सुबुंफोरनि गोसोखौ सोमोनाहोदोंमोन। बिथानि आखाइयाव थैजों बुंफबनाय थुंग्रि, मोखाडव थै दागो नांनय आरो फावखुंगुरनि गोखों मिनिनाया सुबुंफोरखौ सोमोनाहोदोंमोन। मोनसे पस्टाराव रणभिर सिंहनि फारसे नायनाय नुनो मोन्दोंमोन। पस्टारजों रहित शेटीआ बुंदोंमोन दि, अर्जुन कापुरआ सावथुनाव सासे शेतान भिलेन जागोन, नाथाय

आखुनि मुंखौ फोसावनाय जायाखैमोन। आथिखालाव बेखौ मिथिनो मोन्नाय जादोंदि, फावखुंगुरआ सावथुनाव बबे आखुआव फाव खालामनो थागासिनो दं। बलिउड हांगामानि मोनसे रिपर्टनि बायदिब्ला, अर्जुन कापुरआ रहित शेटीनि एकशन ट्रिलर सिंधम एगेनआव डेन्जर लंकानि फाव खालामगोन। बिथाड फावखुंगुर जेकी श्राफजों लोगोसे सासे गिखंथाव भिलेन जागोन। रिपर्टनि बायदिब्ला, अर्जुन कापुरनि आखुखौ डेन्जर लंका मुं दोन्नायनि आन्दोआव मोनसे गिदिर सल' दं, जायखौ नायगिरिफोरा सावथुनखौ नायखानायनि उनाव मिथिगोन। रहित शेटीआ बिथानो औरैबायदि मोनसे आखु होदों, जाय नायगिरिफोरनि गोसोखौ दोहौ सोमजिहोगोन।

सासे भारतारि आइजोआ निउयर्कआव गोमादों

निउयर्क, 10 मार्च: बाइपलर डिसअर्डरजों भुगिनांनय सासे भारतारि आइजोआ आमेरिकायाव गोमादों। निउयर्क सहराव सासे 25 बोसोर बैसोनि भारतारि आइजोआ गोमादों आरो पुलिसा बिखौ नागिरनायाव मदत होनो थाखाय राइज्योफोरनिफ्राय खौरां बिगासिनो दं। खौरां एजेन्सि पिटिआइनि बायदिब्ला, हिन्जावसानि मुड फेरिन ख'जा। बिथांखौ जोबथा खेब 1 मार्चखालि हरनि 11:00 रिंगासोआव गावनि क्वीन्सनि न'निफ्राय ऑंखारनाय नुनो



मोन्दोंमोन। निउयर्क नोगोर पुलिस बिफानआ फोरमायथिनाय बायदिब्ला,

गाहाम देहानि राहा

गथ 'फोरनि गोसोखांथिखौ गोखों खालामनायाव माखासे ड्राइ फ्रुइटसफोरा मुलाम्फा गोनां

गिगि यानाफिर सावसिआ जॉनि मोनसे जोबोद गोनांथार बाहागो, नाथाय गोबां समावनो जों बेनि फारसे गोसो होआ आरो जॉनि देहायारि सावसिखौ जोथोन लानायावल' नांथाबना थायो। गियानारि सावसिआ मेलेमारि सावसिनि मोनसे बाहागो, जेराव सान्नाय, बुजिनाय, गोसोखांथि बायदिफोर दंफायो। मख'जाथावदि, जुदि नोंथाड मेलेमारि सावसिखौ जोथोन लाया अब्ला नोंथाड सान फो म बो नि खामानिफोरावबो गोबां जेनाजों मोगा-मोगि जानानो हागौ। बेनिखायनो नोंथानो माखासे ड्राइ फ्रुइटसफोरनि सोमोन्दै फोरमायनो थागासिनो, जाय मेलेमारि सावसिनि थाखाय जोबोद मुलाम्फा गोनां। एन्टी-अक्सिडेंट आरो भिटामिन-इआ मेलेमारि जिबखिफोरखौ अक्सिडेटिभ खहानिफ्राय रेखा खालामो, जाय मेलेमनि जिबखिफोरखौ गोबाव समसिम गोखों लाखियो आरो सावसिन खामानि मावो। बिनिखायनो बादाम जानायजों गोसोखांथिखौ गोखों खालामनो हायो। पिस्ता: पिस्ता जानाया मेलेमनि थाखाय जोबोद मुलाम्फा गोनां। बेयाव अमेगा-3 फेटी एसिड, भिटामिन-बि आरो एन्टी-अक्सिडेंटफोर थायो। मेलेमनि रोदाखौ मोजाडै लाखिनो थाखाय भिटामिन-बिआ जोबोद गोनांथार। बेफोरनि नागिरफोरखौ मोजाडै लाखिनायावबो हेफाजाव



होयो। बेनिखायनो बेखौ सानफ्रोमबो जानायजों मेलेमारि सावसिखौ सावसिन खालामनो हायो। **बादाम:** बादामाव भिटामिन-इ, अमेगा-3 फेटी एसिड आरो एन्टी-अक्सिडेंटसजों लोगोसे गोबां भिटामिन थायो, जाय मेलेमनि थाखाय जोबोद मुलाम्फा गोनां। एन्टी-अक्सिडेंट आरो भिटामिन-इआ मेलेमारि जिबखिफोरखौ अक्सिडेटिभ खहानिफ्राय रेखा खालामो, जाय मेलेमनि जिबखिफोरखौ गोबाव समसिम गोखों लाखियो आरो सावसिन खामानि मावो। बिनिखायनो बादाम जानायजों गोसोखांथिखौ गोखों खालामनो हायो। **पिस्ता:** पिस्ता जानाया मेलेमनि थाखाय जोबोद मुलाम्फा गोनां। बेयाव अमेगा-3 फेटी एसिड, भिटामिन-बि आरो एन्टी-अक्सिडेंटफोर थायो। मेलेमनि रोदाखौ मोजाडै लाखिनो थाखाय भिटामिन-बिआ जोबोद गोनांथार। बेफोरनि नागिरफोरखौ मोजाडै लाखिनायावबो हेफाजाव

बारग'नो हायो। बेनि अनगायैबो एन्टीअक्सिडेंटआ अक्सिडेटिभ खहाखौ बाडइ खालामो, जाय मेलेमखौ सावसि गोनां लाखियो। बेफोर जाहोनफोरनि थाखाय गोसोखांथिजों सोमोन्दै थानाय जेनाफोरनिफ्राय बारग'नो हायो। बेनिखायनो सानफ्रोमबो पिस्ता जानाय हुदाया मेलेमनि थाखाय मुलाम्फा गोनां। **किशमिस:** किशमिसआव गोबां रोखोमनि निउट्रियेन्टफोर मोन्नाय जायो, जाय मेलेमखौ मोजाडै लाखिनायाव हेफाजाव होयो। बेयाव आयरन आरो पटैसियाम मोन्नाय जायो। आयरनआ थै खमायनायखौ बाडइ खालामो आरो पटैसियामा थै रोदाफोरखौ मोजाडै लाखियो। बेनिखायनो मेलेमनि अक्सिजेननि थाखोआ सावसिन जायो आरो मेलेमआ सावसिनै खामानि मावनो हायो। बेनि अनगायैबो किशमिसाव थानाय एन्टी-अक्सिडेंटफोरा अक्सिडेटिभ खहाखौ बाडइ खालामो।

मनिषा कैरालानि फाव खालामनायखौ भिधु बिनदआ ओथि गैयै बाथा बुंदों

मनिषा कैरालाया सावथुन मुलुगनि सासे मुंदांखा फावखुंगुरि, जाय दिल से, मान, आकेले ह्म आकेले तुम, लज्जा, इन्डियान, मेहबुबा बायदि सावथुनफोराव खामानि मावदों। आथिखालाव थाबैनो बिथांजोखौ सन्जय लीला भन्सालीजों लोगोसे वेब सिरिज हीरामन्डीआव नुनो मोनगोन। बावैसो, मनिषा कैरालाया गावनि सावथुन केरियारनि सिगांनि सानफोरखौ गोसोखांदों आरो मोनसे गोजाम सल'खौ फोरमायदों। मनिषाया बुंदोंमोनदि, खेबसे भिधु बिनद चपड्याय बिथानि फाव खालामनायखौ खामानि गैयै होन्ना बुंदोंमोन। बेयो फावखुंगुरिखौ सोमोनाहोदोंमोन आरो फावखुंगुरिया दिथागिरिनाव खालि 24 घन्टानि थाखाय सम बिदोंमोन। मनिषा कैरालाखौ



सावथुन 1942: ए लाभ स्टरीनि थाखाय सायख' जादोंमोन। जेव्ला बिथांजोआ बे सावथुननि फरायनाय जथुमाव थादोंमोन, अब्ला भिधु बिनदआ बिथानि फाव खालामनायखौ बांदाय मोजां मोनखैमोन आरो बिथाड फावखुंगुरिनि सिगााडव बुंदोंमोनदि, बियो खामानि गैया। फावखुंगुरिया गावनि

फोथायथिखौ लायाखैमोन, नाथाय सम बिनानै फिन नाजादोंमोन। पिंकविलाजों मोनसे मोगा-मोगियाव मनिषा कैरालाया बुंदोंमोनदि, भिधु बिनद चपडुनिफ्राय सम बिनानयनि उनाव बियो न'आव थादोंमोन आरो मोजाडै थियारि खालामखानायनि उनाव सेटआव फेफिनदोंमोन आरो उनाव

सायख'जादोंमोन। फावखुंगुरि बायदिब्ला, 1942: ए लाभ स्टरीआव मनिषा कैरालाजों लोगोसे अनिल कापुर, जेकी श्राफ, अनुपम खेर आरो प्राणआ गहाय फाव खालामदोंमोन। 1994 माइथायनि सावथुनआ 1940 माइथायाव भारतारि बिग्रायारि सोमावसासनायाव ह्मजानाय मोनसे नख'रनि सल'खौ फोरमायो।

जीन्सआव नुनो मोन्नाय जादोंमोन। पुलिसआ बुंदोंमोनदि, फेरिन ख'जाया बाइपलर डिसअर्डरजों भुगिनांदोंमोन। बेजों लोगोसे, पुलिस बिफाना बुंदोंदि, गोमानाय हिन्जावसाखौ नागिरनो थाखाय राइजो- राजाफोरनिफ्राय मदत बिनाय जादों। बेजों लोगोसे बिथानि सावगारिफोरखौबो शेयार खालामनाय जादों। बेनि अनगायैबो पुलिसआ बे आयदानि सोमोन्दै निउयर्कआव भारतनि कन्सुलेट जेनेरेलनो खौरां हरदोंमोन।

नेपालनि गाहाइ मन्थि प्रचण्डआ 13 मार्चआव थामथि फोथाय भटनि मोगा-मोगि जागोन

काठमान्डु, 10 मार्च: नेपालनि गाहाइ मन्थि पुष्प कमल दहल प्रचण्डआ सिपिएन-इउएमएलजो गोदान गोरबथा खालामनायनि साननैसो उनाव 13 मार्चसिमाव संसदआव गावनि थामथि फोथाय भट खुनो थांखि लादों। फोथाय भटनि थामथि खोन्दोआ सासे बारग' गुरिल्ला दैदेनगिरि प्रचण्डनि नेपाली कंग्रेसखौ नागरनायनि उनाव जायो आरो समबारखालि बारग' गाहाइ मन्थि केपि शर्मा अलीनि दैदेननायाव नैथि बयनिखुइबो देरसिन दोलो कमिउनिस्ट पार्टी अफ नेपालजों मोनसे गोदान गोरबथा खालामो। सुलुंनि बादिल्ला, शनिबारखालि खुंजानाय मोनसे संसदयारि दोलोन मेलाव गाहाइ मन्थिआ गावनि कमिउनिस्ट पार्टी अफ नेपालजों बे आयदानि सायाव सावरायदों,



जाय 13 मार्चसिमआव फोथाय भट लानो थियारिखौ दिन्थियो। सुलुंनि बादिल्ला, सिपिएनआ गावनि आयेन दागिरिफोरनो मोनसे हुइपबो जारि खालामदोंमोन, जेराव बिसोरखौ नेशनेल एसेमब्लिन मासिगिरिनि बिसायख'थि आरो प्रचण्डनि फ्लर टेस्टनि आसा खालामनाय अक्टनि सिगानि सानफोराव काठमान्डु हायेनखौ नागरनो नाड होन्ना बिथोन

होदोंमोन। संसदनि गाहाइ सदन-हाउस अफ रिप्रेजेन्टिभखौ 13 मार्चआव मोनसे जथुम्मानि थाखाय लिंहरनाय जादों। पार्टीआ गावनि आयेन दागिरिफोरखौ बिथोन होदोंदि, जेव्ला गाहाइ मन्थिआ फोथाय भट नागिरो, अब्ला बिथामोनहा संसदआव थानांगौ। सुलुंनि बादिल्ला, गोदान जुथाय हान्जाहा 275 सोद्रोमा संसदआव थोजासे

मासिफोर दं। संसदनि गोजौ सदनि मासिगिरिनि मासिनि थाखाय बिसायख'थिखौ 12 मार्चआव थि खालामनाय जादों। प्रचण्डआ 25 डिसेम्बर, 2022 माइथायाव नेपाली कंग्रेसनि मददजों थामथि खेबनि थाखाय गाहाइ मन्थि जादोंमोन। बिथानि हान्जाया हाउस अफ रिप्रेजेन्टिभआव थामथि बयनिखुइबो देरसिन हान्जा। नेपाली कंग्रेसजों गोरबथाखौ सिफायनायनि उनाव हाउस अफ रिप्रेजेन्टिभनि बयनिखुइबो देरसिन दोलो प्रचण्डआ अलीजों आखाइ हमलायदोंमोन, जायखौ प्रचण्डनि गोजौसिन सावरायगिरि महरै मानिनाय जायोमोन। थानाय बोसोराव, हादरगिरि बिसायख'थिनि थाखाय गाहाइ बेरेखा दोलोन बिजाथिखौ मदद होनायाव गोरबलायनि उनाव सिपिएन-

इउएमएलआ प्रचण्ड दैदेननाय सरकारनिफ्राय गावनि मददखौ बोखारनायनि उनाव प्रचण्डआ फलर टेष्टजों मोगा-मोगि जानादों। सिपिएन-इउएमएलआ 78 मासि देरहानो हादोंमोन, बेनि उनाव माउबादि मिरुआ 32 मासि देरहानो हादोंमोन। आरएसपि, राष्ट्रीय प्रजातंत्र पार्टी, जनता समाजवादी पार्टी आरो सिपिएन-इउनिफाइड सशेलिस्टआ फारियै 20, 14, 12 आरो 10 मासि देरहादोंमोन। थानाय 2017 माइथायनि बिसायख'थियाव, प्रचण्ड आरो अलिआ गावसोरनि दोलोफोरखौ ज'खालामदोंमोन आरो मोनसे गोरलैयै बांसिन अन्जिमा मोननो हादोंमोन। अलिआ गाहाइ मन्थि जादोंमोन, नाथाय बिसोरनि गेजेराव गोरबलायनि जाहोनाव बिसोरनि गोरबलायनाया खावसे समावनो बायदोंमोन।

चीन-पाकिस्ताननि सोमोन्दोखौ हादतगिरि जिनिपिआ लहाजों रुजुदों

बेइजिं, 10 मार्च: पाकिस्तान पिपुल्स पार्टी (पिपिपि) नि लेडाइ आफादगिरि आसिफ आलि जर्डीरीखौ पाकिस्ताननि 14 थि हादतगिरि सायख'नाय जाबाय। बिथाडा नैथि खेब पाकिस्ताननि हादतगिरि बिबानखौ सामलायनो खाबु मोन्दों। चीननि हादतगिरि शी जिनिपिआ नैथि खेब हादतगिरि सायख'जानायाव आसिफ आलिनो गाहाम हामब्लाइथि हरदों। चीननि हादतगिरिया बुंदोंदि, पाकिस्तान आरो चीननि लोगोआरि सोमोन्दोआ लहा बायदि गोरा। आथिखालनि समाव सोलायबोनाय मुलुगनि बायदि थासारिनि गेजेराव पाकिस्तान-चीननि सोमोन्दोआ मख'जाथावसिन जानानै फैदों होन्नाबो बिथाडा बुडो। शी जिनिपिआ आसिफ आलिनो गाहाम हामब्लाइथि होनानै चीन-पाकिस्तान रांखांथि करिदरखौबो गयखंदों। बिथाडा



बुंदोंदि, चीन-पाकिस्तान रांखांथि करिदरनि लुनाय खामानिया गोखैयै सोलिगासिनो दड। बे करिदरआ गावसोरनि दरनै हादतयारि सोमोन्दोखौ जौगाहोसिन्नायनि थाखाय मख'जाथाव। मख'जाथावदि, चीननि शिनजियांखौ पाकिस्ताननि बेलुसिस्तानआव थानाय ग्वावर जाहाज गाथोनजों सरजाबनो गोनां 60 आर'ब आमेरिकन डलारनि लुगासिनो थाखाय करिदरखौ लानानै भारतआ अजद होदोंमोन आरो आथिखालावबो अजद होयो। मानोना बे करिदरआ पाकिस्तानआ

गावनि दखलआव लानाय काश्मीरनि बाहागो एबा पिअकेनि गेजेरजों थाडे। बावैसो सिगां पिएमएल-एननि दैदेनगिरि साहबाज सरिफआ पाकिस्ताननि गाहाइ मन्थि महरै फिन खेबसेबाव सायख'जानायनि उनाव मन्थि आफाद दानायनि थियारि गोखै सोलिदों। बेनि उनाव हादतगिरि महरै आसिफ आलिखौ सायख'यो आरो गुबुन हादतयारि मन्थि महरै इसाक दरनि मुड गिबिसिमाव मुंख'जादों। सिगाडवबो सहबाज सरकारव इसाकआ रांखांथि मन्थि महरै बिबान सामलायदोंमोन।

मालेशियान एयारलाइन्सनि फ्लाइट एमएइस 370 गोमानाया पाइलटनि मोनसे सुबुं बुथारनाय सानथांखि जानो हागौ: रोंगसार

क्वालालम्पुर, 10 मार्च: ब्रिटिश बिरखं सामलायगिरि रोंगसार साइमन हार्डीआ दाबि खालामदोंमोनदि, थानाय 2014 माइथायाव मालेशिया एयारलाइन्सनि फ्लाइट एमएइस 370 नि सोमोनांथाव गोमानाया पाइलटनि सुबुं बुथारनाय मोनसे सानथांखिनि फिथाय जानो हागौ। सुलुंनि बादिल्ला, हार्डीआ दाबि खालामदोंदि फ्लाइट एमएइस 370 नि केपेन जहरी अहमद शाहनि पाइलटआ नावआव थानाय बयखौबो बुथारनो सानथांखि खालामदों। सुलुंनो फोरमायनाय जादोंदि, पाइलटआ उरांखौ आबुडै लैथोआव गोखैहोदोंमोन। बेनि उनाव उरां जाहाज आरो लैथोनि गाहायाव थानाय सा 239 दावबायारिफोरखौ फबदोंमोन। हार्डीआ बुडोदि, शाहनि गावारि जेनाफोरा बिथानि गोसोआरि सावसिखौ गोहोम खोखलैदोंमोन जानो हागौ, बेनिखायनो बे दुखुनांथाव जाथायखौ सोमजिहोदों। हार्डीनि बादिल्ला, बिथानि बुंफुर्लुआ गुबुन गुबुन सुलुंनि सायाव बिथा खालामनाय, जेरे



फ्लाइट बिरनायनि सिगां ककपिटनि थाखाय उफ्रा खामनाय आरो अक्सिजेननि थाखाय खावलायनाय। उरां बिरग्रा रोंगसाया उरांनि जाथावना थावनिखौ थि खालामनो थाखाय जौगा फ्लाइट सिमुलेटरफोरखौ बाहायदों, जाय सुबुरुन होदोंमोनदि बेयो खोला भारत लैथोमायाव गिलउइक फ्रेक्सार जन मुनि मोनसे ट्रेन्सआव जानो हागौ। हार्डीआ बुंदों, उफ्रा थावनि आरो अक्सिजेनआ शाहखौ जेटखौ नागरनायनि

सिगां दावबायारिफोर आरो मावथिफोरा हुस गैयै जानानै गोखैनायजों उफ्रा थावनि आरो अक्सिजेनआ जेरावबो हमदानो हायाजासे उरांखौ बिरहोनो खाबु होगौमोन। हार्डीआ बुंदों 777 नि थाखाय मावख'आरि नागिरनायनि बाहागोमोन, जाय 8 मार्च, 2014 माइथायाव खोला चीन लैथोआव गोमादोंमोन आरो माब्लाबाबो मोनफिन्नाय जायाखैमोन। मख'जाथावदि, बेखौ गोसोआव लाखिनाया गोनांदि बेफोर

दाबिफोरखौ फोरमान खालामनाय जायाखै आरो थानाय 2017 माइथायाव नायबिजिरनायखौ फोजोबनाय जादोंमोन। बुइंग 777 बिरखंआ 8 मार्च, 2014 माइथायाव कुआलालम्पुरनिफ्राय बेइजिंसिम थानाय समाव राडारनिफ्राय गोमादोंमोन। ग्रहसा खारिनिफ्राय मिथिनो मोनोदि उरांआ गावनि थांखि खालामनाय बिरनाय लामानिफ्राय जानगाराव थाडे आरो खोला भारत लैथोमायाव गोखैयो।

बेरुत, 10 मार्च: हादरनि मावख'आरि सुलुंनो फोरमायदोंदि, खोला लेबनाननि गंसे न'आव इजराइलनि गाग्लोबनायाव सा 5 सुबुंफोरनि जिउ गोमादों। बेनि गेजेराव साब्रैआ मोनसे नख'रनिनो आरो बे गाग्लोबनायाव गुबुन सा 9 सुबुंफोरा जोखोम जादों। लेबनाननि इरानजों मदद होजानाय हिजबुल्ला सोमावसारनाय आरो इजराइलआ अक्टबराव इजराइल आरो गाजा उतरखारि हान्जा हमासनि गेजेराव दावहा जानायनि उनाव सानफ्रोमबोनि बिथायाव गिखंथावै गावलायबाय थादों। सुलुंनि बादिल्ला, खिरबेट सेल्म ओन्सोलाव गंसे न'आव गाग्लोबनाय जाथायाव नख'रनिनो साब्रै सुबुंनि जिउ गोमादों। बे हरखाब गाग्लोबनाया न'खौ सिफायदोंमोन, जायनि जाहोनाव साखाथियाव थानाय सा 9 सुबुंफोरा जोखोम जादों। सुलुंनि बादिल्ला, अक्टबराव इजराइल-हमास दावहा जागायजेननायनिफ्राय लेबनानाव बाडयैबो सा 312 सुबुंफोरनि



जिउ गोमाबाय। जायनि गेजेराव हिज्बुल्ला उतरखारिफोर आरो गुबुन सा 56 नोगोरारिफोरा जिउ गोमादों। दावहाया गुबैयै सिमना ओन्सोलावफोराव जायो नाथाय लेबनानआव मोनसे गुवार दावराव-दावसिनि गिनाया बांदों। थानाय मंगलबारखालि खोला सिमना गामि हुलायाव गंसे न'आव इजराइलनि गाग्लोबनायाव लेबनाननि जरासे

बिसि-फिसाइ आरो बिसोरनि फिसाज्जलाया जिउ गोमादोंमोन। इजराइलआव बाडयैबो सा 10 रौनियाफोरा आरो सा 7 नोगोरारिफोरा जिउ गोमादों। सुलुंनि बादिल्ला, खोला इजराइलाव हमासनि गाग्लोबनाया गाजायाव दावहाखौ जागायहोदोंमोन, बेनि फिथाइ महरै सा 1,160 सो सुबुंफोरनि जिउ

गोमादोंमोन, जायनि बांसिनानो नोगोरारिफोरमोन। हमासजों खुंजानाय ओन्सोलाव देहा मन्थि बिफाननि बादिल्ला, हमासखौ फोजोबसांनो इजराइलनि फिन साजा होनाय हाबाफारि या गाजायाव 30,960 सुबुंफोरनि जिउ खोमाबाय, जायनि गेजेराव बांसिनानो आइजो आरो गथ'फोर।

केरिबियान हादत हाइतियाव नख'र दावहाजों सुबुंफोरा जेनायाव गोखलैदों

गोदान दिल्ली, 10 मार्च: केरिबियान हादत हाइतियाव थासारिया जेना गोनांसिन जाबोनो हमदों। हाथियार लाग्रा हान्जाफोरा हाइतिनि राजथावनियाव राष्ट्रपति भवन आरो पुलिस गाहाइ मावख'जों लोगोसे माखासे गोबां सरकारि बिल्डिंफोरखौ थांखि खालामदों। अदेबानि हाथियार लाग्रा हान्जाफोरा सरकारि मावख'फोरखौ थांखि खालामनायनि उनाव इउएन गुपआ सहरखौ बेखन्नायै लानो सांग्रांथि होयो। खौरनि बायदिब्ला, बैयाव जिउ खानाय सुबुंफोरा गावसोरनि रैखाथिनि थाखाय आर'ज गाबदों। इन्टरनेशनल अर्गनाइजेशन फर माइग्रेसनआ शनिबारखालि



बुंदोंदि, गोजोन गैयै थासारिनि जाहोनाव सा 3,62,000 सुबुंफोरा बिथा नागरना खारनादों। बिसोरनि गेजेराव उन्दे आरो बोराय-बुरै बैसोनि सुबुंफोरबो दड। हाइतियाव थानाय इन्टारनेशनल अर्गनाइजेशन फर माइग्रेसननि गाहाइ फिलिप ब्रान्सतआ मोनसे फिन्नायाव बुंदोंदि, बेयावनि सुबुंफोरा जोबोद गिखंदों आरो सानफ्रोमबो थासारिया जेना गोनां

जानानै फैदों। बिसोरो थासारिखौ आरोबाव गात्रिसिन जागोन सानानै जोबोद गिखानाय मोन्दों। फारसेथिं राजथावनियाव थानाय सुबुंफोरा गावबा गाव न'निफ्राय बायजोआव ओंखारसो नेवसिदों। हाइतिनि राजथावनिआ आथिखालाव हाथियार लाग्रा हान्जाफोरजों बेखनजानानै दड। फारसेथिं हाइतियाव पुलिस इउनियनि लियनेल लाजोरआ बुंदोंदि, पुलिसआ शुक्रबार मोनायाव राष्ट्रपति भवनजों लोगोसे गोबां सरकारि बिल्डिंफोरखौ हाथियार दैग्रा हान्जानि गाग्लोबनायनिफ्राय रैखा खालामनो हादों। रैखाथि हान्जाया बिसोरनि गाग्लोबनायखौ फेलें खालामनानै गोखों नायबिजिरनायजों हाथियार दैग्रा हान्जानि माखासे सुबुंफोरखौ जिउ फोजोबनोबो हादों।

पाकिस्ताननि गोदान हादतगिरि जर्डीरीखौ मिस्टार 10 पार्लेन्ट मुडै मिबथिनाय जायो

इस्लामाबाद, 10 मार्च: पाकिस्ताननि गिबिसिन आइजो गाहाइ मन्थि रुंसारि बेनजिर भुट्टिनि फिसाइ आसिफ आलि जर्डीरीआ शनिबारखालि नैथि खेब हादतनि हादतगिरि सायख'जायो। अदेबानि बिथानि सायाव गेना-खांथि आरो किडनेपिनि प्लेनि खालामनाय आरो गोबां रिक्मफोरनि सायाव घुस लानायजों लोगोसे गोबां गिदिर गिदिर दाय जाबसिन्नाय दड। बेफोर केसनि गेजेरावबो जर्डीरीया फिन खेबसेबाव हादतगिरि सायख'जायो। मख'जाथावदि, 2007 माइथायाव आसिफ आलि जर्डीरीनि बिसिखौ बमा आरो सिलायजों गाग्लोबनानै जिउ फोजोबदोंमोन। 2008 निफ्राय 2013 नि गेजेराव बिथाडा हादतगिरि मासियाव थानानै संबिजियारि फोसाबनायफोरखौ जागायदों। गेना-खांथिनि केसआव जर्डीरीया 11 बोसोरनि बाउसिन सम जोबथेसालियाव



साजा भुगिखांबाय। गोदाने समायखिरा लानाय माहारियारि आरो राइज्योआरि एमपिफोर

आरो सिनेटरफोरा गेना-खांथि खालामनायनि दाबि दैखानायनि जाहोनाव थानाय 8 फेब्रुवारीयाव

बिसायख'थि जानायनि उनाव जुथाइ हान्जा दानायनि सर्थ बायदिदियै आसिफ आलि

इटलीयाव इक्विजभिसननिफ्राय मोन 49 सनानि मुसुखा गोमादों

रम, 10 मार्च: इटलीयाव गिदिर सिखाव खावनायनि जाथाय सोमजिदों। बुधवार मोनायाव लेक गाडीनीनि साखाथियाव मोनसे इक्विजभिसननिफ्राय मोन 49 सनानि मुसुखाफोरा गोमायो। बे गसैबो मुसुखाखौ इयबली मुसुखागिरि एम्बर्ट मास्ट्रयानीआ बानायदोंमोन। लाइक ए चार्म, फ्लइ गल्ड मुनि एक्विजभिसननिफ्राय 1.2 मिलियन इउर' एबा 1.3 मिलियन आमेरिकन डलारनि बांसिन बेसेननि मुसुखाफोर खावजायो। बे इक्विजभिसनआ थानाय बोसोरनि डिसेम्बर दाननिफ्राय जागायदोंमोन आरो थानाय 8 मार्च शुक्रबारखालि जोबदों। नाथाय जोबथा सानखालि एबा शुक्रबारखालिनो मोन 49 सनानि



मुसुखाफोरा गोमायो। सिपिएननि रिपर्ट बायदिब्ला, गोमानाय मोन 49 मुसुखाफोरनि गेजेराव मोनसेखौ उनाव इक्विजभिसन जानाय बाउडडारि सिडावनो मोनफिन्नो हादों। नाथाय गुबुन 48 मुसुखाफोरखौ दासिमबो संदाना मोनाखै। मोनफिन्नो हानाय मुसुखानि मुड उम/डना (मेन/उमेन) मोन। सम्पतिनि बुंथिगिरिया सिपिएममनो फोरमायदोंदि, बेसेन गोसा मुसुखाफोरखौ इक्विजभिसननिफ्राय खावनाय केसखौ गोखौडै नायबिजिरनासिनो दड। सम्पतिनि गाहाइ जिअर्डीन ब्रुन' गुयेरीआ फोरमायदोंदि, मोनसे गिदिर हान्जाया बे सिखाव खावनायखौ महर होदों होन्ना गाव सानो।

एडाल्ट फिल्म स्टार सफिया लियनीआ 26 बोसोर बैसोआव जिउ गोमाबाय

मुम्बाइ, 10 मार्च: मोनसे दुखुनांथाव जाथायाव एडाल्ट फिल्म स्टार सफिया लियनीआ 26 बोसोर बैसोआव जिउ गोमाबाय। सुलुनि बादिब्ला, बिथानि नख'रआ जेब्ला सफियाजो मोनसे फन कलनि गेजेरजो सोमोन्दो लाखिनो नाजादोमोन अब्ला बिथानि जेबो फिननाय मोनो हायाखैमोन। माइक रमेर'आ गफन्डमीआव बेनि सोमोन्दै फोरमायथि फोसावदोमोन। बेकेसखौ दायो नायबिजिरगसिनो दं। सफियानि बिमा बाथुलआ रां होनाय बिलाइयाव बिथानि थैनायखौ रोखा खालामदो। बिनि बिमा आरो नख'रनि जाननै, आं जौनि अनजाथाव सफियानि जिउ गोमानाया खौरांखो फोसावनो गोनां जादो। सफियानि हरखाब जिउ गोमानाया बिथानि नख'र आरो लोगोफोरखो दुखु होदो आरो सोमोनांहोदो। बिनि बिफा बाथुल माइक रमेर'जो शनिबारनि फुडव पस्ट खालामजानाय मोनसे गफन्डमीआ लियनीनि जिउ गोमानायनि खौरां होदोमोन आरो गावनि मददगिरिफोरखौ बिथानि गोथै सावनायनि खरसाजो लोगोसे बिथानि थैनायनि नायबिजिरनायजो सोमोन्दो थानाय खरसाफोरनि थाखाय रां दैथायहरनो खावलायदोमोन। रमेर'आ बुंदोदि, लियनीखौ 1 मार्चखालि बिथानि एपार्टमेन्टआव मोन्या जादोमोन आरो बिथानि थैनायनि जाहोननि सायाव



नायबिजिरनाया दासिमबो सोलियागसिनो दं। सफियाआ सासे अनजाथाव फिसाजो, बिनानाव, ग्रैन्ड डटार, बियादै आरो लोगोमोन। बिथांहा गासैबो जुनारफोरनि फारसे गोथौ मोजां मोन्याय दंमोन, गुबैथै बिथांजोहा मा 3 फिसिनाय जुनारफोर दड होनानै रमेर'आ गफन्डमीनि गेजेरजो लिस्नानै फोरमायदो। बिथांजोआ दावबायनायखौ मोजां मोनो आरो जेब्लाबो गावनि खाथि-खालानि बयखौबो मिनिहोनो नाजायोमोन। रमेर'आ सिगांनिफ्रायनो 6,000 डलारसो बुथुमखांबाय, जाय गावनि थोखिनि खावसेसो, शनिबार सान्जोफुसिम भेरनिका लपेजनि जाननै बुथुमखांबाय। रमेर'आ लिरदो, सफियाआ गोथौथै गोसोआव फेगोन, नाथाय बिथानि गोसोखांथिया बै बयनिबो गोसोआव थानानै थागोन जाय बिथांखौ मोजां मोनो। बियो अराय गोजोने थाथो। थानाय फेब्रुवारि दानआव एडाल्ट सावथुनि स्टर कागनी लिन कार्टरआ गावखौ फोथेना लादोमोन। सुलुनि बादिब्ला, बिथानि लोगोफोरा समाजयारि बिजोडव गोसोखौ दुखु होग्र

खौरां फोसावदोमोन आरो बयखौबो सोमोनांहोदोमोन। फोरमायनाय बादिब्ला, कागनीया थानाय ससाहायाव अहियआव गावनि थाग्रा खुलियाव जिउ गोमादोमोन। कार्टरनि बिमा, टीनानि जाननै फावखु'ग्रिनि लोगोफोरजो मोनसे गफन्डमी जागायजेन्दोमोन, जाय थैनायनि खौरांखौ फोसावदोमोन आरो लिरदोमोन। दुखुनांथावदि, बिथानि गोबां गोहोम गोनां जाफु'सारनायफोर आरो रोंग'थिफोरनि गेजेरावबो, कागनीआ बोसोर बारलांनायजो लोगोसे गोसोआरि सावस्त्रि जे'नाफोरजो जुजिदोमोन। लोगोआ गोसोआरि सावस्त्रिजो कार्टरनि जुजिनानि सोमोन्दै आरोबाव बेखेवदोमोन आरो बुं'बावदोमोनदि, गावनि गोसोमसिन सानफोरावबो, थैवब्लाबो बियो दासिमबो स्टुडियआव नुजाथिदोमोन, जेब्लाबो सोलो'नो, बिहोमा होनो, गावखौ साबसिन खालामनो थाखाय थियारिमोन जायखौ बियो सामलायनो हायो।

गोदान दिल्ली, 10 मार्च: रिलायेन्स फाउन्डेशननि मासिगिरि आरो गायसनगिरि नीता आम्बानीखौ शनिबारखालि सुबुं अनफावरि आरो समाजयारि हाबानि फासै बिथानि बाउसोमनायनि गनायथि महैरि मिस वर्ल्ड फाउन्डेशननि हिउमेन्टारियन बान्था होनाय जादोमोन। मिस वर्ल्ड ऑनलाइजेशननि मासिगिरि आरो सि.इ.अ. जुलिया मर्लेआ जिय वर्ल्ड कनभेन्सन् सेन्टारआव मिस वर्ल्ड 2024 बादायलायनायनि 71 थि खु'थायाव बान्थाखौ गथायदोमोन, जाय 28 बोसोरनि फारागथिनि उनाव भारतआव फेदोमोन। नीता आम्बानी, नोंथाड मुलुगनाडेनो गासैबो अन्नायनि थाखाय मिथिजायो, नोंथाड गोबां अनो होन्ना मर्लेआ बान्थानानै बुडो। बे मानआ खालि मोनसे गावारि मोनफु'नायल' नड, नाथाय अन्नाय आरो सिबिनारनि गोहोनि मोनसे फोरमान जाय जौखौ गोरोब होयो, आनि गासै दावबायनायाव आं सत्यम शिवम सुंदरमनि जोबनो गैये भारतयारि बोसोन खाथिफोरजो दैदेनजादोमोन, जाय सैथो, मोजां आरो समायनाखौ दिन्थियो। सत्यमआ सैथोखौ बोजबना लायो। सैथोखौ नागिरनाया मोनसे इसोरारि दावबायनाय जाय गोथारथि, सैथोथि आरो थांखिनि गोथार गोसोनि नागिरनायजो सिनायथि होजानाय। शिवमआ सिडव इसोरखौ जोथोन लायो। आं



जौनि रिलायेन्स फाउन्डेशननि खामानिनि गेजेरजो लाख-लाख गथ'फोरनि मिनिनाय आरो मिनिनायाव इसोरखौ मोनदो नो हदो। सुंदरमआ जौनि सोरगिदिं थानाय समायनाखौ फालियो। मोनफ्रोम बुब्लियाव गोजोन्नाय नागिर आरो नोंथानि गोसोखौ साबायख'र आरो बाखायनायजो आबु खालाम। समायनाखौ दाजाबारि

सोलायनायनि थाखाय मोनसे गोहो महैरि बाहाय होनानै आम्बानीया बुंदोमोन। रिलायेन्स फाउन्डेशनआव, जौ साफ्रोमबो भारतयारिफोर, गुबैथै आइजोफोर आरो लाइमोन हिन्जावसाफोरखौ सोलो'थाय, सावस्त्रि जोथोन, गेलेमु, जिउराहा आरो आरिमु आरो हारिमुखौ जौगाहोनायजो गोहो होनो थाखाय बाउसोमनाय

नाजागासिनो दं। बे हाबाफारियाव आइजोफोरनि गोहोखौ बाखनायनानै बिथांजोआ बुं'बावदो, आइजोफोरा जायखौ मावनो हाया, बेखौ रवबो मावनो हाया। मोनसे जर'खा भिडिअ मेसेजआव, फावखु'ग्रि प्रियंका चप्रा आरो जनासआ बुंदोमोनदि आम्बानीया मोनसे थांखिजो समायनानि दिन्थिमहर। बिथाड खालि सासे मान होजानाय सोलो'थायगिरि, सुबुं अनफावरि आरो फालांगियारि आइजोल' नड, नाथाय सासे गोखो रैखागिरि आरो भारतनि आरिमुनि मददगिरिबो। जोबोद बाउसोमनायजो, बिथाडा भारतयारि आरिमु आरो हारिमुखौ मुलुगनां थाखोआव लाबोबाय थादो। बिथाडा बे गासैबो टपिफोरखौ मोनसे गुदु मिनिनाय आरो अन्नायजो गानो। बिथानि

आमेरिका दैदेनाय जुथाय हान्जाया सा 28 येमेन बिग्रायारि डूनखौ गावखलायदो: सेन्टकम

दुबाइ, 10 मार्च: जुथाय हादर आमेरिका आरो बेनि हेफाजाबगिरिफोरा बुंदोदि, बिसोरो शनिबारखालि रेड शि आरो अदननि गाल्फखौ थांखिनानै येमेननि हुथिफोरा गावनाय 28 डूनफोरखौ गावखलायदो, जाय इरानजो मदद होजानाय उतखारिफोरनि बयनिखुइबो देरसिन गाल्गोबनायफोरनि गेजेराव मोनसे। उतखारिफोरा बुंदोदि, बिसोरो आमेरिकान फालांगियारि गंसे जाहाजआव मिसाइल गावदोमोन आरो रेड शि आरो गाल्फ अफ अदनआव आमेरिकानि दावहानि जाहाजफोराव डून गावहरदोमोन। थानाय बोसोरनि नभेम्बर दानआव, हुथिफोरा रेड शिआव जाहाजफोरनि बेरेखायै डून आरो मिसाइल गाल्गोबनायनि मोनसे फोसावथि होजेन्दोमोन, जाय मुलुग फालांगिनि थाखाय गोनांथार ओन्सोल। गाजा स्ट्रिपआव इरानजो मदद



होजानाय हमास उतखारिफोरनि बेरेखायै इजराइलनि दावहानि समाव फिलिस्ताइनफोरजो खौसैथि दिन्थिदोमोन। इ.उ.एस. सेन्ट्रल कमान्ड एबा सेन्टकमआ बुंदोदि, गोबां बिबांनि हुथि गाल्गोबनाया रेड शि आरो नांजाबनाय गाल्फ अफ अदनआव सोरानायनि सिगां जादो। सेन्टकम आरो जुथाय हान्जाआ थि खालामदोदि, डूनफोरा फालांगियारि

जाहाजफोर, आमेरिकानि दै सान्थि हान्जा आरो ओन्सोलाव गोरोबलायनाय जाहाजफोरनि थाखाय मोनसे खाथिसिन खौ फोद दिन्थिदोमोन। समाजारि बिजो एक्सआव फोरमायदोदि, आमेरिकान नेभिनि जाहाज आरो बिरखंजो लोगोसे गोबां गोरोबलायनाय नेभि जाहाज आरो बिरखंफोरा मोन 15 डूनफोरखौ गावखलायदो। बे खामानिफोरा

रन्जी ट्रफी 2024 फाइनलआव लर्ड शार्दुलआ मुम्बाइनि थाखाय मोजां दिन्थिफुंनो हादो

गोदान दिल्ली, 10 मार्च: रन्जी ट्रफी 2024 माइथायनि जोबथा मेचनि गिबि सानाव दावखोलायलाय आरो दावखोलाय जानायखौमोनो। मुम्बाइनि केप्टेन अजिंक्य रहाणे आरो श्रेयस अय्यरआ बेटिनि समाव मोजाडै दिन्थिफुंनो हायाखै। नाथाय लर्ड शार्दुल ठाकुरआ फिन खेबसेबाव मुम्बाइनि थाखाय गोखौ गेलोनानै दिन्थिदो। शार्दुलआ मोजाडैबेटि खालामदोमोन आरो 75 राननि गोखौ इनिंस गेलेदोमोन, जायनि जाहोनाव मुम्बाइआ



200 रानखौ बारनो हादोमोन। टस जेन्नानयनि उनाव मुम्बाइआ सिगां बेटि खालामनो जागायो। पृथ्वी आरो भुपेन लालवानीआ गिबि उइकेटनि थाखाय 81 राननि बाहागोदारि रान खालामदोमोन। शवआ 46 रान लानायनि उनाव पभेलियनसिम फेफिननाडे, जेराव भुपेनआ 37 रानआव आउट जायो। बबेखानि, बेनि उनाव, मुम्बाइआ मोनसेनि उनाव मोनसे हेंथाजो मोगा-मोगि जानांदोमोन। 81 नि स्करआव गिबि उइकेट खोमानायनि उनाव मुम्बाइआ 116 स्करसिम सौहेनानै 6 उइकेट खोमादोमोन। बेनिनो मुशरि खानआ 6 रान

इनिंस गेलेदोमोन, जायनि जाहोनाव मुम्बाइनि हानजाया गिबि इनिंसआव स्करबर्डआव 224 रान बानायनो हादोमोन। विदर्भनि जानानै हर्ष दुबे आरो यश ठाकुरआ साथाम उइकेट लायो। बेनि लोगोसेनो उमेश यादवआ मोन 2 उइकेट लादोमोन। मुम्बाइनि इनिंसखौ फोजोबखानायनि उनाव विदर्भनि बेटिनि जागायनायाबो जोबोद गांजिमोन। शार्दुल ठाकुरआ धूव शोरखौ रान लाहोयाजासे पवेलियन थानायनि लामाखौ दिन्थिदोमोन। बेनि उनाव अमन मोहडेआबो बेटिआव जेबो जुनिया दिन्थिनो हायाखैमोन आरो 8 रानल' बानायदोमोन। करुण नायर जाय बे सिजनआव विदर्भनि थाखाय बयनिखुइबो बांसिन रान बानायदोमोन बिथांखौबो धवल कु लकणी आ लाथिख'नि स्करआव आउट खालामदोमोन। साननि गेलेनायनि जोबनायथि विदर्भआ साथाम गिदिर उइकेट खोमादोमोन आरो स्करबर्डआव 31 रान बानायदो।

भारतआ दर 4 इउरपीयान हादतफोरजो फ्रि-ट्रेड एग्रिमेन्ट खालामबाय

गोदान दिल्ली, 10 मार्च : भारत आरो दरखै हादतफोरनि इउरपीयान गुप इफटा (इएफटीए) आ मुवा-बेसाद, सिबिथाइ आरो इन्भेस्टआव गाहाइ फालांगि बांहोनायनि थांखिजो दिने रबिबायव मोनसे फ्रि फालांगि रदाय (एफटीए) आव मुसाइ खालामो। इउरपीयान फ्रि फालांगि आफाद (इएफटीए) नि सोद्रोमा महैरि आइसलेन्ड, लिक्टेन्स्टेड, नटवे आरो सुइजारेन्डआ दड। सासे गागि बिबानगिरिया बुडेदि, बे रादायखौ थानाय 7 मार्चखालि मिरुआरि मन्थि आफादनफ्राय गनायथि होनाय जादो। अदेबानि इएफटीएनि हादतफोरा इउरपीयान इउनियननि बाहागो नड। बेयो फ्रि ट्रेडखौ बांहोनाय आरो गोखौसिन खालामनायनि थाखाय मोनसे इन्टर-गभर्मेन्ट अर्गानाइजेशन। बै हादतफोर, जायफोरा इउरपरीयान इउनियनआव थाफानो सानाखैमोन। बेफोर बायदि हादतनि थाखाय बेखौ गाइसनाय जादो। भारत आरो इएफटीएआ रांखाथिथयारि सोमोन्दोखौ गोखौसिन खालामनायनि थाखाय 2008 नि जानुवारीनिफ्राय मावख'थारि महैरि फालांगि आरो रांखाथि हेफाजाबारि गोरोबथा (टिडिपिए)नि सायाव सावरायबोदो। मख'जाथावदि, बे रादायाव मोन 14 गाहाइ आयदाफोर दड। बेयाव मुवा-बेसादफोरनि फालांगि,



दिहुन्थाइनि नेम-खान्थि, आइपिआर, सिबिथाइफोयव फालांगि, इन्भेस्टमेन्ट प्रमशन आरो हेफाजाब, सरकारि बायनाय, फालांगियारि गोनोखोयारि हेंथा आरो फालांगिनि सुबिधाफोराबो दंफायो। इएफटीएनि कानाड, चिलि, चीन, मेक्सिक' आरो करियाजो लोगोसे दर 40 शेयारि हादतफोरजो 29 एफटीए दड।

एफटीएनि गेजेरजो मोनने फालांगियारि शेयारि सिबिथाइफोर आरो इन्भेस्टखौ बांहोनायनि थाखाय मान-दान्दाफोरखौ गोरेल खालामनाय जागोन। बेनि अनगायै बिसोरनि गेजेराव फालांगि खालामनो गोनां मुवाफोरनि मेक्सिमाम अन्जिमनि सायाव सिमना टेक्सखौ गोबां खम एबा फोजोबनानै होनाय जायो।

इएफटीए हादतफोरनो भारतआ 2021-2022 आव 1.74 आर'ब डलारनि एक्सपर्ट खालामहरदो। बेनिफ्राय बांसिने 2022-23 आव भारतआ 1.92 आर'ब डलारनि एक्सपर्ट खालामदो। फारसेथिं थानाय रांखाथि बोसोरव इन्पर्टआ 16.74 आर'ब डलारमोन। बेनि सिगां 2021-22 आव बे अन्जिमया 25.5 आर'ब डलारमोन।

दिल्लीयाव दिने बिदुडा 10 डिग्री सेल्सियाससिम दावखोदो

गोदान दिल्ली, 10 मार्च: भारतयारि बोथोर बिगियान बिफान (आइ.एम.डी.) नि बायदिब्ला, दिल्लीयाव रबिबारखालि बाडइसिन बिदुडा 10 डिग्री सेल्सियास सेबखांजादो, जाय बोथोरनि सरासनसा बिदुनिफ्राय 4 डिग्री बाडइसिन। फुनि 8:30 रिंगायाव सिदोबथिया 65 जौखोन्दोमोन। हादरयारि राजथावनियाव सानाव खावसे जोमै खोबनाय अखां नुनो हागौ। आइएमडीआ बुंदोदि, फेगौ 13 मार्चखालि एसे अखा एबा अखा हानायनि आसा दं। मिरुवारि गुबुले दबथायनाय बर्ड (चि.पि.सि.बि.) नि खारिथिनि बादिब्ला, दिल्लीनि बार गुन फारियाव (ए.कि.उ.आइ.) फुनि 9:00 रिंगायाव गेजेर थाखोआव 165 मोन। लाथिख' आरो 50 नि गेजेराव एकिउआइखौ मोजां, 51 आरो 100 नि गेजेराव



गोजोनथाव, 101 आरो 200 नि गेजेराव गेजेर थाखो, 201 आरो 300 नि गेजेराव गांजि, 301 आरो 400 नि गेजेराव जोबोद गांजि आरो 401 आरो 500 नि गेजेराव गोब्राव होनानै माननाय जायो।